

Sãotomense: Bible for Matthew  
Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>."

Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



# Matthew

## 1

<sup>1</sup>Livlu di zelason di Klistu Jizu, Mína di Davi, Miná di Ablón. <sup>2</sup>Ablon foi di Isaqui; Isaqui, fô pé di Jakó, Jakó pé di Zudá ku inem manu Dê. <sup>3</sup>Zuda fô pé di fares zará, zêladu ku tamâr, farês fô pé esron; esron fô pé di Aron. <sup>4</sup>Arón fô pé di aminadabê; aminadabê pé di Nason; Nason, pé di salmon; <sup>5</sup>Salmon fô pé di Bóas, zeladu ku raabe e Boas; Boas, pé di Obedi. Zeladu ku Rut; Obedi pé di Jessé; <sup>6</sup>Jessé fô pé di alê Davi. Davi fô pé di salumon, Zeladu ku mwala di Urias, <sup>7</sup>Salumon fô pé di raboão. Raboão pé di Abias, Abias pé di Aza. <sup>8</sup>Aza pé di Jozafá, Jozafá fô pé di Jorão, Jorão fô donu di Ozias. <sup>9</sup>Ozias fô pé di Jatão, Jatão pé di Akas, Akás pé di Izequias: <sup>10</sup>Izéquias fô pé di Manassés: Manassés, pé di Amón, pé di Josias: <sup>11</sup>Josias fô Donu di Jekonias ku inen Manu de, ni tempu di plizon ni Babilônia. <sup>12</sup>Olá a xê ni plizon ni babilônia jekonias fô pé di Salatiel, Salatiel, fô donu di Zarobabel: <sup>13</sup>Zarobabel, fô pé di Abiudé: Abiudé fô pé di Eliaquim: Eliaquim, pé di Azor: <sup>14</sup>Azor, fô pé di Sadoque, Sadoqué, pé di Aquim, pé di Aliúdi; <sup>15</sup>Eliúdi fô pé Éliezar; Éliezar pé di Matã; Matã, pé di Jako; <sup>16</sup>Jakó fô pé di José, Ôme di Maria, Ku pali, Jizu, Isê ku sá samadu Klistu. <sup>17</sup>Tudu zelason: Di ablon antê Davi, Sá Katorzê zelason: ni Plizon di Babilônia antê Klistu, Sá Katorzê Zelâson. <sup>18</sup>Naximentu di Klistu Jizu fô axén: Maria, mén dê, tava noiva de Jozé, sê pa inen ta zuntadu ni kasamentu, E bê ku ê sa ku bega plô suplitu Santu. <sup>19</sup>José omé dê, Tava sa uã Justu, é na tá ka mesê fê vlégónha û masangê fá, ê disidi kaba nóivadu dê sê pla niuã ngê sebê. <sup>20</sup>Anton olá é ta ka pensa ninen kwa sé, uã anzu di Sum plasê dé ni uwã Sonhu, Flá: "José, mina di Davi, na mendu lêsêbê Mariaa mó mwala bô fá, Pundá kwá ku ku ê ka bi pali, sá dadu plô suplitu Santu. <sup>21</sup>Ê ka bi pali uwã mina, bô ka bi samé di Jizu, Punda é ska bi stlava povô di pekadu dinen." <sup>22</sup>Tudu kwa sé dá pla é pô kumpli kwaxi ku Sum flá pô mê di plofêta:" <sup>23</sup>Punda uwã virjem ka bi kлага bega bi, Pali ûwã mina, a ka bi samé Êmanuel, ku sá Dêsu ku Non" <sup>24</sup>José koda di sônó dé, é fé mó anzu di Sum tava flá kuê é lêsêbê kuma mwala dê. <sup>25</sup>Anton é na bulí ku ê fá, antê ku ê pali ûwã mina, I é dé nami di Jizu

## 2

<sup>1</sup>Olá Jizu nanse, ni Belén di Judeia, ni tempu sala di alê Hêrodes, inen sêbêdô di Olientxi inen Xiga Jeruzalén, kiê ká flá: " <sup>2</sup>Isé ku nanse, ânji é sa né, Alê dinen Zudé? Non bê stléla dê ni olientxi non bi adóre" <sup>3</sup>Olá alê Herodes tendê kwa sé, é tlubula, tudu Zeruzalen têmbetê. <sup>4</sup>Herôdes zunta tudu inen xefi dinen saserdotxi, inen mesé di povô punta: "Anji klistu ka ba nanse nê?" <sup>5</sup>Inén flá:"Ni bélémi di Judeia, punda é sá xklêvidu plô plofeta; <sup>6</sup>bô belém ni tela di zudá, é na sa maxi txoko ni ômê dinen poson plixizu di zuda fá, Punda di bô uwã kia skabi ku ka ba kia pôvô mu di Israeli!" <sup>7</sup>Anton herodes sama inen sêbêdô u stlékêdu pá, punta inen kê olá ku stléla plasê dá inén, <sup>8</sup>so kû manda inen ba Bélem, fada inen: "Bê koló anzu ku sustensu. Ola a ka bélé, fada mú, pan pô bá adóre!" <sup>9</sup>Só só só ola inen tendê kwa alê flá inen bé. Anton stléla ku inen ta ka bê ni olientxi é bé ku inén antê ku ê munja ni luké ku anzu tava nê, <sup>10</sup>Olaxi ku inen bê stléla, inen gôgô lumadu. <sup>11</sup>Inem lentla ké, inen bê anzu ku Maria, mén dê, inen dá dizê adóre. Inen bili txigólô dinen dí plezéntxi: ôlô, insênsu, mira. <sup>12</sup>Soku Dêsu fadinen ni sonhu pa inen na ba lêlê Herodes fá, anton inen bila ba plopi tela dinen ni ôtlô stlada. <sup>13</sup>Axén ku inen bé, uwã anzu plasê zózé ni sonhu flá: "Lanta, té anzu ku men dê, fuji ba Ijitu. tá nala antê kun ga fla bô, punda Herodes ska bi goló anzu pê pô mata" <sup>14</sup>Ni notxí sé, Jozé lanta, pega anzu ku mén dê xê ba Egito. <sup>15</sup>E ta nala antê motxi di Herodes. Isé Kumpli kwa ku sun flá plô mê di Plofeta:" Ni egito û sáma mina mú" <sup>16</sup>Anton olá Herodes, bé ku inen sêbêdô ngané é fika ku leva. Ê manda mata tudu inen anzu di dôsu anu ba basu. Ku tava ni belén ku tudú janga janga, mó inen sêbêdô ta fáde. <sup>17</sup>Anton kwa ku fô fadu plô plofêta Jeremia Kumpli. <sup>18</sup>Uwã glita di dôlô nglanji ku zemé ku atendê ni Ramá, tava sa Raquieli ku sola da inen mina dê, é kuji di sa konsoladu, Punda inen na bila sen maxi fá. <sup>19</sup>Olaxi ku Herodes môle, anton uwã anzudi sun plasê ni uwã sonhu da José ni Egito flá: " <sup>20</sup>Lanta tê anzu ô pega anzu ku mén dê bá téla di Israeli, Punda inensé ku tenta di txila anzu vida, inen sa motxi!" <sup>21</sup>José Lanta, â pega tê anzu ku mén dê, bé ba téla di Israeli. <sup>22</sup>Anton, óla é têndê ku Arquelau tava ka manda ni judeia, ni luké di pé dê Herodes, é fika ku uã sonhu. <sup>23</sup>Ê xê ba Galileia, é ba vivê ni uã pason samadu Nazaré, kwa ku inen plofeta flá kumpli, ku ê ka bi sama Nazarenu

## 3

<sup>1</sup>Ninen djá sé, zon batista plasê ka plega ni disertu di judeia. Ka fla: " <sup>2</sup>Sela nansê lêpendê punda govenu dosé sa petu!" <sup>3</sup>Punda isé sa ixi ku plofeta isais flá: fala ku ka klama ni disertu: peivini slada di Sum, fé stlada Sun ben fédu. <sup>4</sup>Zon tava ka bixi lôpa di peli kamelu ku úwa xintu di peli é, tava ka kumê gafánhôtú ku melé di kampu. <sup>5</sup>Anton Jérusalén, tudu judeia, ku tudu flêkejá petu di yô zudon tava ka bá lêlê: <sup>6</sup>"inen fô butxizadu plô zon ni yô jurdán, ka konfessa pekadu dinen. <sup>7</sup>Óla é bê yô dinen falizeu ku inen saduseus, ku ta ka bi lêlê pinen sa butxizadu, é fadinen" lása di kobló gêngê da nansê konsê di fuji leva ku ska bi? <sup>8</sup>Da flutu ku sa di lêpendimentu. <sup>9</sup>Na pensa kuma nânsê ka flá: Nón tê ablon mó pé non! punda uga flá nansê ku Dêsu ka pô fé di budu sé uwa mina da ablon" <sup>10</sup>A fé mansadu ni léji pó zá. tudu pó ku na ka dá bon kumê fá sá kótadu zugadu ni fôgô. <sup>11</sup>ûga butxiza nansê ku áwa dá lêpendimentu, maxi isé ku ka bi zó ami é tê pôdê maxi doquê ami ami na sa digno nê di kлага sandalheti Dê fá. Ê ka bi butxiza nansê ku suplitu santu ku fôgô <sup>12</sup>Apá, sa ni mon dê pê pô limpa Kampú dê bwadu bila zunta tligo ni seleiru maji é ká bi kemá paya ku fôgô ku na ka kaba fá. <sup>13</sup>Anton Jizu bi di Galileia pla yâ yurdan pê pô sá butxizadu plô Zon. <sup>14</sup>Maxi Zon na ta mesê fá: kiê ka flá" U mesê saa butxizadu plâ bô, kuma bô ka bi lêlê mu. <sup>15</sup>Jizu kuji fá: "Miole leke axén punda é sá bwa non kumpli tudu Justisa" Anton zon na lejéta fá. <sup>16</sup>Axén ku fô butxizadu, Jizu xê meda óla niowa saku osé bili ni liba Dê, a bê suplitu di Dêsu ka dêse mó uwa pônbi pósá ni liba dê. <sup>17</sup>Uã fala bi di osé flá:"Isé sá mina klosón mu û gôgô kuê Lumadu"

## 4

<sup>1</sup>Anton Jizu fô giadu plô suplitu a azêtu pa e sa tentadu pla djabu. <sup>2</sup>Ola ê tê juzuadu plô qwatlu vê dexi dja ku qwatlu vê dexi notxi, e tava ku fomé. <sup>3</sup>Djabu bi fadé: " Xi bô sá mina Dêsu manda inen budu bila mpom" <sup>4</sup>Maji Jizu, kuji fla: "Esa sklevidu: E nasa mpom nta so home ja vive fá, maji di tudu palavla ku ka xe ni boka Dêsu. <sup>5</sup>Anton djabu beku Jizu poson Santa, pô ni xita maxi boyadu di templu. <sup>6</sup>Só só fá dé; " Xi bô sa mina Desu, satá náí ba basu punda êsa sklividu: ê kabi da odji da inen anju pa inen toma konta dê, sóso inen ka bí te bô ni mon, pa afé bô nada pe budu" <sup>7</sup>Jizu fade: Êsa sklevidu tembête: Bô na ka pô pê Desu bô ni plova fa:" <sup>8</sup>Ôtlô vê djabu be ku <sup>9</sup>e uã lwge boyadu so muse tudu renu di mundu zuntu ku gloya ku ê tê. <sup>9</sup>Ê fada Jizu: tudu, inen kwase na bi da bô, xi bô da Dizê sa dora mu" <sup>10</sup>Anton Jizu fade: " Xê dai Djabu! Punda êsa sklividu: Adora Sun bô Desu soso êle tan so bô kada kutu" <sup>11</sup>Anton Djabu dese, so anzu bi stlivé Ê. <sup>12</sup>Olá Jizu bi sêbê kuma zon tava plesu ê xê ba galileia. <sup>13</sup>Xê di nazalé ba vivê ni cafarnaum, ku ka fika zuntu di omali di galileia, ne tela di zabulon ku naftali. <sup>14</sup>kwase da pa kumpli kwaku fo fladu plo, plofeta Isaias: <sup>15</sup>"tele de Zabulon tela de naftale, stlada di omali, ni wê di zudon, galileia dinho Jintxin, <sup>16</sup>Pôvô ku tava ni kulu bu uã kedaji glandji, ni inen se ku tava ni legion di songla di motxi uã kedaji plasê." <sup>17</sup>Ni musan sola, Jizu kyê ka plega ka fla: "sela nansê lependê, punda lenu di osé sa petu" <sup>18</sup>Olá ku ê tava ka anda ni petu di omali de Galileia, bê dosu manu, ximon, ku samadu Pedu, Ku andrê, ku tava ka lansa lédê ni omali, punda inén ta sa pekadô. <sup>19</sup>Jizu fada inén: "Be, lêlê mu ami nga fé nansê piskado di homé." <sup>20</sup>Ola se me inen desa lédê lêlê Jizu. <sup>21</sup>Ni musan sala ku Jizu tla kanda, bê ôtlô Dosu manu, txagu mina di Zêbêdêu, ku zon. Inen tava ni uã kanua ku zêbêdêu, pe dinen ka kose lédê. Ê sama inen <sup>22</sup>me da ola, inen desa kemua ku pe dinen lêlê Jizu. <sup>23</sup>Jizu anda ni tudu galileia, ka xina ni sinagoga dinen, ka plega vangeli di lenu Desu ka kila tudu nasson doentxi na ômê pôvô. <sup>24</sup>Inen nutixa se di Jizu kôlê ni tudu siria, tudu ngê ku tava ka doentxi, a bi kuê da Jizu, ku tudu nanson doentxi, ku tlomentu ku demono ni ubwê, epléptiku ku lezadu, soso Jizu kula inen. <sup>25</sup>Pôvô glandji lêlê Jizú di galileia Dekápolis Jerusalem ku judeia, codó di jordan.

## 5

<sup>1</sup>Ola Jizu bê povo, ê subli okê, Asson inen lumonxinho bi lêlê. <sup>2</sup>Anton ê bili boka ka xina fla: <sup>3</sup>Filiji sa inen plobli ni suplito, punda di inen sa Lenu D'osé. <sup>4</sup>Filiji sa inen se ku sa ku Kloson kebladu, se animu, punda inen ka sa dadu animu. <sup>5</sup>Filiji sa inen manu, punda inen ka bi loda tela. <sup>6</sup>Filiji sa inen se ku te fomi ku sejé di justisa, punda inen ka bi bêlê. <sup>7</sup>Filiji sa inen se ku te mixikoji punda a ka bi da inen mixikoji. <sup>8</sup>Filiji sa inen limpu di kloson, punda u ka bi bê Desu. <sup>9</sup>Feliji sa inen pasifikadô, punda inen sa di bi sa samadu mina Desu, <sup>10</sup>Filiji sa inen ku sa plixiguïdu plovia di Justisa, punda di inen sa Lenu d'ose. <sup>11</sup>Filiji sa nansê Ola inen ngê ka magwá nansê, ka plixigui nansê, ô fla nansê tudu nansôn mali ku fasu kontla nansê plá sa xizidô mu. <sup>12</sup>Nansê pô gogo fe fesa, punda memê sa lekompensa nansê ni osé: Punda di modo ku inen plixigui inen plofeta ku bi plume do kê nansê. <sup>13</sup>Nansê sa salu tela, Maji xi salu plêdê gôstu, kuma a ka pô bila stlivi otlô vê? Ame jime nunka ê ka bila stlivi da kwa kwali kwa fa, xi ê na sa pa zuga buta so bi sa potadu plo home. <sup>14</sup>Nansê sa kedaji mundu. Uã poson fedu ni okê ê na ka sa kaondidu fá. <sup>15</sup>Nyuã ngê na ka lédê ûa kanjda soso pê ni basu di uã kwali fá, maji ni vê d'se, ka pê ni legê ku toka po ê pa fe kedaji da tudu ngê ku sa kê. <sup>16</sup>Ku kandja nansê ka luji ni wê tudu ngê di modu ku inen ka pya obla nansê inen ka lova pe nansê ku sa ni osé. <sup>17</sup>Na pensa kuma u bi blaga alê ô inen plofeta fa: na bidi blague fa, maji u bi kumpli ê. <sup>18</sup>Plo ise, vedeme, ami nga fada nansê kuma, ante ose ku tela ka vala, nyuã pontu ô til ka bi sa tlokadu ni alê, antê ku tudu inen kwa se ka kumpli. <sup>19</sup>Plôtantu kwa kwali ku ka kebla mandamentu se pikina bila xina ôtlô di fe kwase me ka bi sa samadu pikina ni lenu d'osê. Maji kwa kwali ku ka loklê mandamentu se bila xina ka bi sa samadu glandji ni lenu d'osê. <sup>20</sup>Plô isê ami nga fada nansê kuma, xi justisa nansê na sa liba di justisa dinen sklevedô livlu, ku farizeu fa, di modu nho ama ka lentla ni lenu d'osê fô. <sup>21</sup>Tênde kwa ku fô fladu ni nós tempo: Na mata fá, kwa kwali uã ku mata ka bi sa Djugadu. <sup>22</sup>Maji ami nga fada nansê kuma kwa kwali ngê ku te leva kontla manu kabi sa basu di jlugamentu. Soso kwa kwali fla manu dé; Bô kakô Dôdô!. Ka bi sa basu di Jlugamentu ni tlubunali: Soso kwa kwali ku fla: Dôdô! ka bi sa basu di fogo infenu. <sup>23</sup>Plotantu xi bô ska be ku ofeta ba pe ni atali soso nala bô lembla kuma manu bô tê kwa kwali kwa kontla bô, <sup>24</sup>Desa ofeta nala, ni wê di atali be plumê ba fe Paji ku manu bô zawô bila ba plezenta ofeta bô. <sup>25</sup>Soso lentla fe paji ku manu bo sedu, ola nansê sa stlaba ka ba tlubunali, fo kusado bô pa ê na tlega bô da juxi, soso juxi ka tlega bô da inen ofixiali, pa ê na pê bo plezu. <sup>26</sup>Vede me nga fada bô: bo na ka xê nala se paga utimu xintason fá. <sup>27</sup>A têndê kwa, ku fô fladu: Na adultera fá, <sup>28</sup>Maji ami nga fada nansê, kuma kwa kwali ku pya uã muala ku maxintxidú ê komete adulterio kuê ni kloson dê. <sup>29</sup>Soso, u wê glêtu bô ka fe bo poka, txi-le zuga buta, pundu ê sa maxi bwa ûa patxi di klôpô bô plêdê dôkê pa tudu klôpo sa zugadu ni nfenu. <sup>30</sup>Soso, xi mon Glêtu bô ka, fe peka, kote zuga buta, pundaê sa maxi bua uã dinen patxi di klôpô bô plêdê dôkê patudu klopô sa lansadu ni nfenu. <sup>31</sup>Tembête fô fladu: kwa kwali uã ku manda mwala dê bê uã kata di divórcio. <sup>32</sup>Maji ami nga fada nansê kuma tudu ngê xi ku divosia di mwla de, taluvê ploi di imoralidade sexual, ê ka fe de uã adultera: soso kwa kwali ua ku kaza kuê, depox ku ê sa blazadu, ka komete adulterio. <sup>33</sup>tembete a têndê kwa ku fô fladu da inen ni nos tempo; na zula fasu fa, maji kumplê inen zulamentu se da Sumu. <sup>34</sup>Maji ami nga fada nansê na zula plô nadaxi fa: ne plô osé punda e sa tlonu di Desu: Ne plô tela, punda ê sa stladu de ape Dê. <sup>35</sup>Ne plô zeruzalém, punda ê sa pason de alê glandi. <sup>36</sup>Ne zula plô kabesa, bô fa, punda bô na ka po bila uã fi di kabelu pletu ô blanku fá. <sup>37</sup>Maji ku palavla bô po sa yoxi; yoxi; ô no: no: kwa kwali kwa maxi da kê ise ka bi di demono. <sup>38</sup>A têndê kwa ku inen fada nansê. Wê plu wê dentxi plu Dentxi: <sup>39</sup>Andejime ami nga fada nansê: na fe olia lizu de ngê ku sa mau fa: agola, kwa kwali uã ku da bo ua sudu ni kwa tu gletu di kala, de otlô ladu tembête. <sup>40</sup>Xi ngê mêsê be ku bo tlubunalu soso toma

Jibon bô, dese ngê se toma kapa bô tembête.<sup>41</sup>Xi ngê obriga bô nda û milha, bê kuê dosu.<sup>42</sup>Dá kwa kwali ngê ku piji bô, na bila tlaxi da kwa kubli ngê ku mese piji bô kwa plesadu fá.<sup>43</sup>Kwa ku fô fladu bô têndê. Ama ploximu bô te odjo da numigu bô.<sup>44</sup>Maji ami nga fada nansê; tê amôlê ku numigu nansê fe lason, da ngê ku ku plixigi nansê, (Da bensa da ngê ku ka fe nansê mali, fe bem da inen ngê ku te odjó da nansê).<sup>45</sup>Pla nansê sa mina di pé nansê ku sa ni osé, punda ê ka fe salo dê nansê liba ngê mau ku bwadu bila manda suba da Justu ku inen Injustu.<sup>46</sup>Punda, xi ama ngê ka ama nansê tan kê bensa nganha?<sup>47</sup>na sa vede ku ante inen kobladô di impostu ka fê kwase me fa? Soso, xi bô fla montxan da inen lumon bô tan isé sa kwa muntu ku ôtlô na ka fe fa?<sup>48</sup>Plotantu sela nansê sa vetu no pe di nansê ku sa ni ose sa setu.

## 6

<sup>1</sup>Anton kuidadu pa nansê ná fé óbla di Justisa ni wê ngê pa inen na bê nansê, andeji mé nansê na ka tê lekonpesa di pe nansê ku sa ni osé fá. <sup>2</sup>Anton ola nansê ka dá jimóla, na toka bujina zuntu nansê mó inen ipokrita ká fé ni tudu xinagógá ku stlada, pinen. pô tê fama di tudu ngê vedé vedé mé ngá flá nansê: Ku inen Lesêbê lekonpesa dinen zá.<sup>3</sup>Anton ola nansê ka da jimóla, na dessa mon skédu nansê sêbê kwa ku mon nansê klêtu ska fé fá. <sup>4</sup>Pa Jimóla nansê ka sa dadu ni stlekedú; anton pé di nansê ku ka bêlê ni stlekedú, ka lekonpesa nansê.<sup>5</sup>Ola nansê ka fla lason, na fé mó inen inpokrita fá, punda u ka gôgô pla lason dó pé ni tudu xinagoga ni tudu beku lua, pâ ngê pô pinen. vèdê vèdê mé ugá flá nansê ku inen lêsêbê lekonpesa dinen zá. <sup>6</sup>Maji ola nansê ka fla lason, lentla ké nansê fisá potó, fla lason da pé nansê ku. ku sa ni sklegedu. Anton pé nansê ku skabê nansê sê pa nyuã ngê sêbê, ka bi lekomepensa nansê. <sup>7</sup>I olá nansê ska flá lason, na fla kwa sé ni yô vè mó inen gentxi ka fé fá: Punda inen ka konda ku inen ka sá kutadu plôvia di yô fla dinen.<sup>8</sup>Plutantu na sá mó inen fá, maji pé nansê sêbê kwa ku nansê ska plixiza sê pa nansê pijiê, <sup>9</sup>Anton flá lason axén: Pé non dosé santxifikadu sa nomi sun. <sup>10</sup>Ku govenu sun ka bi, ku vonté sun ka sá fédu ni téla axen mó é sá fedu ni osé. <sup>11</sup>Pon non di kada dja da non ozé <sup>12</sup>Da non pédon di klupa non, axen mó non té ka poda ôtlô ngê ku klupa dê. <sup>13</sup>Na lega non, kiê ni tentason fá, maji livla non di mali. <sup>14</sup>Punda xi nansê fada mali ngê pé nansê dosé témbête ka poda nansê <sup>15</sup>Maji xi nansê na poda mali di ôtlô ngê fá. pé nansê na ka bi poda mali nansê fá. <sup>16</sup>Andéjimé, Ola nansê ka fé Jizu na musa tlisti ni kala fá. Mó inen ipóklita ka fé, punda inen ka fé kala dinen fán pa pô sêbê kuma inen ska zunzwa vèdê vèdê mé úga pla nansê ku lekonpesa inen lêsêbê zá. <sup>17</sup>Anton olá nansê ka zungwa, unta kabêsa nansê laba kala nansê. <sup>18</sup>Pa ngê na sebê ku nansê sa ska zunzwa fá, maji pé nansê tan, ku nansê ku sa ni stlekedú, I pé nansê, ku ska bê nansê ni stlekedú zó ka bi lekonpesa nansê. <sup>19</sup>Na zunta likêza nansê ni téla fá, anji troca fêluzá ka dané, anji inen ladlon ka lôvôsô futa. <sup>20</sup>plôvia kwa sé, zunta likêza ni osé, anji nê traça nê pelúza na ka dané fá, kamua ladlon na ka lôvôzô né futé fá. <sup>21</sup>Naji anki likêza nansê ka sa nê, témbête klosón nansê ka sa. <sup>22</sup>Wê sa kanja di klôpô, plutantu xi wê nansê sa bén, tudu klôpô nansê ka sa xá di kédaji. <sup>24</sup>Maji xi wê nansê sa mau, tudu klôpô nansê ka bi sa xá di kulu. axén xi kanja ku sa ni nansê sa ni kulu véde, inen kulu sé ka sa glanji muntu!, <sup>23</sup>Niyáo ngê ka pô stlivi dôsu sumu fá, Punda é ka bi tê ojú duã amolê ku ôtlô, ô é ka pô stlivi uwa matlata ôtlô. Nansê na ka pô stlivi Dêsu ku likêza fá. <sup>25</sup>Anton úga fla nansê: na vugu ku vida nansê fá, ku kwa ku nansê ka bi kumê. Ô kwa ku nansê ka bi bêbê, ô di klôpô nansê, kwa nansê ka bi bixi. Punda vida na sa maxi dô kê kumê, nê klôpô maxi dôkê lôpa fá? <sup>26</sup>Pia inen bisu dôsé; inen na ka ximya nê koiê, nê zunta ni seleiru fá, Maji pé nansê dose ka dinen kúme. nansê na ka valê maxi dôkê inen ã?<sup>27</sup>Kualí nansê plô maxi ku é ka vugu, é ka pô klésenta uã ola di vida dê?. <sup>28</sup>Kamanda nansê ka vugu ku lôpa dá? Pya mó liba kampu ka klêsê, Inen na ka tlabá nê tésê fá. <sup>29</sup>Maji úga poda nansê nê salumon, ni tudu glóya dê bixi mó inen fá. <sup>30</sup>Xi Dêsu ka bixi moda sé aliba di kampu, ku ozé sen amanhã zugadu pé fôgô, é na ka bixi nansê maxi bwa fá, Omé di pôkô afé? <sup>31</sup>Andeji mé, vugu, ka flá: "kwá non ká kumé? Ô kwa non ka bêbê? Ô kwa non ka bixi?" <sup>32</sup>Punda inen pagon sô ka kôlê tlaxi dinen kwa sé: maji pé dosé sebê kuma inen kwa sé sa plixizu da nansê. <sup>33</sup>Buka ni plumêlu govenu di Dêsu ku Justisa dê, tudu nen kwa sé a ka bi klésenté da nansê. <sup>34</sup>Anton, na vugu ku dja da manhá fá, punda amanhã ka bi ku tudu dê punda kada djá tê mali dê plopi.

## 7

<sup>1</sup>Na sdluga pa nansê na sa julgadu fá. <sup>2</sup>Punda julgamentu ku bô ka fé ôtlô a ka bi xdluga bô, mindjida ku bô ka mindji ôtlô a ka bi mindji bô. <sup>3</sup>Kamanda bô ska bê puéla ku sa ni wê di manu bô, maji bô nas ka bê mémé pó ku sa ni plópi wê bô? <sup>4</sup>Kuma bô ka pô flá manu bô: Dessa ami txila puéla ku sa ni wê bô, Maji bô tê uwã mémé pó ni wê bô plopi? <sup>5</sup>ñnjidu, txila tolá dé pó plumé ni wê bô anton bô ka bi bê bén klalú pa bô poji txila puéla ku sá ni wê di manu bô. <sup>6</sup>Na dá kasô kwa santu fá, nê zuga pérola nansê, da plóko fá, pa inen pô na potó é ku opé i bila kontla nansê, di fé nansê pedasu fá. <sup>7</sup>Pidji a ka bi dá nansê, buka, nansê ka bi bêlê, batê, poto ka bi bili da nansê, <sup>8</sup>Punda isé ku piji, ka lêsêbê, isala ku ka buka, ka bêlê, ise ku ka batê ka bi sa betu. <sup>9</sup>Kali omé ni omé nansê ku, xi mina dê, pedji uwã pedasu pón, é ka bi dê uwã budú? <sup>10</sup>Ô xi mina dê pidji é uwã pixi é ka bi dé uwã Klobó?<sup>11</sup>Anton xi nansê, ku sá mau, sêbê dá mina nansê kwa ku biwa, kantu maxi pé nansê dosé ku sa ni osé, é na ka bi dá kwa bwadu da inen sê ku ka pidji é fá? <sup>12</sup>Andéjime tudu kwa, ku nansê ka mesé ku inen ngê ka fê nansê, nansê taka tembête pé pla inen: punda isé sa lê dinenn plófêta. <sup>13</sup>Lentla ni potó petadu, punda mémé sa potó ku stláda glanji ku ka ba distluison, i yô ngê sê ku ka vala nê. <sup>14</sup>Maji txokó sa potó petadu sa stlada ku ka bê ku ka ba vida, é sa pokô ngê ku ka bêlê <sup>15</sup>Sustensu ku inen fasu plófêta. Inen ka xiga bixidu ku lôpa di ôvelha, maji ni vedé inen sá lobô xá fomi. <sup>16</sup>Plô testêmunhu dinen nansê, ka bi konsê, a ka kôyê uva di pá ku tê npya, ô Figú ni omé aliba? <sup>17</sup>Di modu se me, tudu fó bwadu ka da kumê bwadu, Maji tudu pá ku na bwa fá na ka dá kumê bwá fá. <sup>18</sup>Pô bwadu na sén ku na ka da bon kumê fá, tembété pó ku na bwa fá na ka dá bón kumê fá. <sup>19</sup>Tudu pó ku na ka da bon kumê, sa kotadu zugadu pé, fogô. <sup>20</sup>Anton a ka konsê pó bwadu ni kumê dê. <sup>21</sup>Na sa tudu ngê ku ka flá: "Sumu, sumu, ka bi lentla ni govenu dosé, fá, maji

inen sé tan ku ka fé vonte de pé mu ku sa ni osé. <sup>22</sup>Yô ngê ka bi flá mu ni dja sé: Sumu, sumu ni nomi bô non ka plófetiza fá? Ni nomi bô non na kolê ku demonó fá? i non na fé yô milagly fá? <sup>23</sup>Anton uga bi fadinen ni kala dinen: Ami na konsê nansê fá, fô zuntu mu, nansê ku fé mali. <sup>24</sup>Só só só tudu ngê ku ka tendê: palavla mu ku ka obêdêsê. Ka sá mó omé sêbêdô ku fé ké dê ni liba budu, <sup>25</sup>suba bi inen awa kolê véntu sóplá inen batê liba kêsé, maji é na kiê fá, punda é tava ni liba budu. <sup>26</sup>Maji tudu ngê ku ka têndê inen palavla mu ku na ka obêdêsê fá, ka sá mó uwá omé dôdô ku fé, ké dê ni liba aliá, <sup>27</sup>Suba bi awa kolê ventu sóplá inen batê liba ké sé, é kiê, dana kabá. <sup>28</sup>I é dá kwa ku, olá Jizu ka di flá inen palavla sé, inen povô babaka da mo kuê xina, <sup>29</sup>punda é tava ka xina mô ngê ku tê pôdê, é na xina mó inen iskriba fá.

## 8

<sup>1</sup>Ola Jizu dêsê ni ôkê pôvô muntu ku lêlê. <sup>2</sup>Anton uã leplôsu bi da dizê ni wê Dê dade:" Sumu é, Xi bô mêsê, bô pô kula mu." <sup>3</sup>Jizu sendê mon dê i toké, fla."Un mesê sa kuladu." Médaola é fô kulau di lepladê. <sup>4</sup>Jisu dadé: Pya ku bô na ka fla nadaxi da kwa kwali ome fa. Xigi stlada bô, musa sasedotxi plesenta plesentxi ku Muzé manda mo uã sestemunhu pla inen." <sup>5</sup>Ola Jizu lentla ni Kafarnaum, uã sentulion di lêl loké. <sup>6</sup>"Sumuê, selini mu sa kama ni ké leadu ni supflimentumuntu." <sup>7</sup>Jizu fadé: " Unga ba kulê." <sup>8</sup>Sentulion kuji: Sumuê, ami na sa mesê di sum lentla ni ké mu fa, maji fla uã palavla tan selive mu ka bi sa kuladu; <sup>9</sup>Punda ami tembetesa uã ame ni basu di odjiun tê inen sodé ni basu mu. Unga fla ise : bé , é ka bé; i plô ôtlô: bi ; é ka bi, i pla selivu mu: Fe isé é ka fé: <sup>10</sup>Ola, Jisu têndê kwa se, é babaka fla pla inen ngê se ku tava lêlê : Vede, vede me nga fla nansê ku nê ni Israel mé Un na bê, ngê ku afé moda se fa. <sup>11</sup>Nga fla nansê: Muntu ka bi di lesti di oesti, ka bi tason meza ku Abraão, Izaque ku Jakó, ni lênu di ose. <sup>12</sup>maji inen mina di lênu ka bi sa zugadu ni kulu, andji ka bi tê sola ku kume dntxi." <sup>13</sup>Jizu fada Sentulion:" bé ! Axem ma bô kêlê, axem é ka safedu." Ni ola sé mé selvu fô Kuladu. <sup>14</sup>Olaxi ku Jizu lentla ni Ké di edu, izu bê stlôga dê detadu ku féblê. <sup>15</sup>Jizu toka ni mon dê, feblê disé; sososo é lanta komesa ka stlivi é. <sup>16</sup>Ola, notxi kubli, inen bi ku yô ngê da Jizu ku démonó tava ka tlomenta, i é spulsa inen suplitu ku uã palavla i é kula tudu ngê ku tava doentxi. <sup>17</sup>Di modu se, êkumpi kwa ku fô ditu plô Isaias: " Ê toma pê lida dê duentxinon i é kлага móléstla non." <sup>18</sup>Ola Jizu bê povô ni vota dê, é da instluson ku inen ka bé ba ôtlô bodó d'ómali di Galileia. <sup>19</sup>Anton uã skliba bi zuntu dê fla"Mesê kwa kwali kamyá kuSum ka bé nga lêlê Sum." <sup>20</sup>Jisu fadé: Inen lagaya tê kobo inenbisu di ose tê kuma, maji mina d'ome na te andji pê Kabesa dê fa." <sup>21</sup>Ôtlô dinendixiplu fla: " Sumu, dêsá un plumê pa un ba ntela pé mu." <sup>22</sup>Maji Jizu fade:" Lêlê mu,dêsá inen mtxi ntela plopi motxi dinen." <sup>23</sup>Ola Jizu lentla ni uã vapô,inedixipulu Dê lêlê. <sup>24</sup>Anton uã meme tlôvada bini omali duã modu ku basa kubli vapô, andê jimeJisu tava ka duminy. <sup>25</sup>Inendixipulu bi lêlê inen kodê, fadé: Sumu, stlava non, non sa kwaji molê!" <sup>26</sup>Jizu fadinen:" kwamanda nansê sa mendu? Afé nansê sa txoko?" Anton Ê lanta lêplendê vevtu ku omali, uã klamalya glandji plasê. <sup>27</sup>Inen ome babaka inenfla: " Ise sa kê ome, ku antê ventu ku omali ka obêdêsê êlê. <sup>28</sup>Ola xi Jizu xiga ôtlô bodo, lejion dinen gadarenos, dôsu ome ku démonó ta ka kontlola Ê bê inen .Inen tava ka bi di tumbinen sa pligu di uã modu ku nê uã ngê na ta ka pô vala ni stlada sé fa. <sup>29</sup>Anton, inen glita fla:" kê Kwaku non tê ku bô, nina Dêsu? bô bi nai pl bô pô tlômenta nonsê pa tempu xiga? <sup>30</sup>Petu daiyen, uã lebanhu glandji di plôku tava ka kume. <sup>31</sup>Inen démonó loga Jizu fla: Xi a txila non daí, manda non ba lebanhu sé di plôkô." <sup>32</sup>Jizu fadinen:" bé! Inen démonó xê, inen ba plôkô;Anton tudu lebanhu tlapaya ni ôkê ba omali tudu plôkô ni awa. <sup>33</sup>Inen ome ku tava ka toma konta di plôkô inen fuji, ola ku inen lentla ni posso, inen konta tudukwa; andêjimé kwaxi ku dá ku inen ome ku tava ku démonó. <sup>34</sup>Anton tudu ngê ni posso bi pa inen pô pya Jizu.Ola inen bê Jizu, inen pijiê pê pô dêsá legion dinen.

## 9

<sup>1</sup>Jizu lentla ni vapô, kluga omali bi plopi poson Dê. <sup>2</sup>anton a bi ku uwa ome lezadu detadu ni uãseladê. Jizu bê afe dinen,Ê fada ome lezau: " mosu, tê bon anumu. Inen pakau bô sa pôadu." <sup>3</sup>Anton uã dôsu skliba tava ka ffla:" ome se ska blasfema." <sup>4</sup>Mo Jizu kônsê pensamentu dinen Ê fla kwa manda nansê ska pensa mali ni kloson nansê? <sup>5</sup>Ê tê matxi fla: Inen pekadu sa pôdadu ô fla: Lanta nda? <sup>6</sup>Maji pa nansê sêbê o mina ome tê pôdê ni tela pa pôda pakadu. Ê fada anton Ê lezadu -" lanta toma sela bô ba kê." <sup>7</sup>Meda ola ome lanta xê ba kê. <sup>8</sup>Ola pôvô bê kwa se, inen fika pantadu ka lova Dêsu, ku tava da minda pôdê se da inen ngê. <sup>9</sup>Jizu xê naí, Ê bê uã ome ku a ka sama Mateu, ku tava tasondu ni lugê ku a ka kobla imostu nê,Ê fadé : " LÊlê mu." Ê lanta lêlê Jizu. <sup>10</sup>Jizu tava ni uã kê, tasondu mi mesa pa kume,yô kobladô di impostu ku pekadó bi, soso zunta kwê ku inen lumoxinho Dê. <sup>11</sup>Ola ine falizeu bê kwa se, inen fla inen lumoxinho Dê; "Punda kwa manda mese nansê ka kume ku inen kobladê di impostu ku inen pekadóda?" <sup>12</sup>Ola Ê têndê kwa se, Jizu fla:" Tudu ngê ku tê sawôdji na ka plixiza di dôtôlo fa , doentxi tan. <sup>13</sup>Nansê toka xina ka se: Ami ka gôgô ku mixigoji,saklifisu fa:Ami na bi sama zustu pa lepêndê fa, majiinn pekadó." <sup>14</sup>Anton, inen lumoxinho di Zon bi lêlê Jizu zo fla:Kwa mandanon ku inenfalizeu ka zezua simplé, maji inen lumoxinho Sumn ka zezua fa?" <sup>15</sup>Inen kuvidadu kazamentuna ka pô sa tlisti ola nôivu sa ku inen fa? Maji dja ska bi ku a ka txilinen nôivu, anton sela inen zezua. <sup>16</sup>Nê uã ngê na ka pê padasu têsidu novu ni lôpa vé fa, punda padasu novu ka fônó lôpa vé, blaku ka fika pyôlo. <sup>17</sup>Nê uã ngê na ka pê vin novu ni baxa vé fa,xi a fe kwa se, pli ka ba va, vin ka bloka, baxa ka dana, andêjimé, a ka pê vin novu ni tudu baxa novu, axen dôdôsu ka sa lôklidu. <sup>18</sup>Ola Jizu fla inen kwa se, uã ofisial bi da dizê ni wê Dê, fla: Mina mu kada di môlê, maji bi pê mon Bô liba dê, é ka bila vivê." <sup>19</sup>Anton, Jizu lanta lêlê ku inen lumoxinho Dê. <sup>20</sup>Ê tinha uã mwala ku dôze anu za tava ka suflí di emorjia, é bi di traxi Jizu soso toka bodolôpa Dê; <sup>21</sup>San tava ka fla: "Xi ami toka bodo lôpa Dê,nga sa kuladu." <sup>22</sup>Ola Jizu bila, Ê bê san fla: " Anumu,ina, afe bô kula bô! mada ola mwala fika kuladu." <sup>23</sup>Ola Jizu lentla kê di ofisial, Ê bê inen ladeha ku pôvô ka fe tlomentu; <sup>24</sup>Ê fla:" nansê pô xê daí, punda mina na sa motxi fa,ê ska dumini." Maji inen tava ka likwa Ê fla ku mangason. <sup>25</sup>Ola pôvô xê, Ê lentla kwatu, pega mina ni mon é lanta. <sup>26</sup>Nutixa di kwa se wanga ba tudu kamyá. <sup>27</sup>Ola Jizu xê ka bé, dôsu

ome segu lélê, ka glita fla: Tê pena non, mina Davi! <sup>28</sup>Ola Jizu lentla kê, inen ome segu bi lélê Jizu fad'ine: "Nansê ka kélê kuma Ami ka pô fe kwa se?" Inen kuji: yôxi Sumu. <sup>29</sup>Anton, Jizu tok'inen wê fla: "Ê sa fedumo afe nansê" <sup>30</sup>Mada ola wê dinen bili. Anton Jizu lèklêinen: "Pya ku nê uã ngê na ka pô sêbê ka se fô." <sup>31</sup>Maji dôsu ome se xê wanga nutixa se ba tudu kama. <sup>32</sup>Ola dôsu ome se xê ka bé, a bi ku uã ome mumu ku demôno ni ubwê da Jizu. <sup>33</sup>Ola demôno fô txiladu, ome muu fla. Tudu pôvô tava pantadu ka fla: "a na xi bê kwa se ni Israeli fa." <sup>34</sup>maji inen falizeu fla: Ê saplô mese d'inen demôno ku Ê ska txila inen denôno. <sup>35</sup>Jizu ba tudu poson ku flêgêdja, xina ni xinagogad'inen, plega vangeli di lênu kul tudu nason duêntxi ku molestla. <sup>36</sup>Ola ê bê pôvô, Ê xintxi kompaxon d'inen puna inentava sê ôsa sê dilon, andê jimé inen ta sa no kalnêlu sê pastoru. <sup>37</sup>Ê fada inen dixipulu dê: "kampu sa glandji, maji inen tladadô sa pôkô. <sup>38</sup>Andê jimé loga donu di kmpu, di manda tlabadô ba kampu Sum."

## 10

<sup>1</sup>Jizu zunta dôzê dixipulu dê da inen podê, liba dinen suplitu mundu pa kolê ku inen pa kula tudu kosta doentxi ku molesta. <sup>2</sup>Nomi dinen dozê dixipulu sa inen sé: Plumê, Ximon, Samadu Pedu, Tembétê, Andlé, manu dê, Txiagu, Mina di Zêbêdeu, Ku Zon Mandu dê, <sup>3</sup>Filipi ku Bartolomeu: Tomé ku Matê, ngê ku ka kobla impostu, Tiagu mina di alfêu, ku tadeu: <sup>4</sup>Ximom ku zelate, zuda iskarioti, ku ka bi sa tlaidô. <sup>5</sup>Jizu manda inen dozê sé: Ê xinen flá: "Na bá nyuã luké anji inen gentio, ka vivê fá. Nansê na ká lentla ni nyuã poson dinen samaritanu fá. <sup>6</sup>Maji, bá inen ôvelha plêdidu di ké di israeli. <sup>7</sup>Bé pléga flá: "Lênu dinen osé sa Petu" <sup>8</sup>Kula inen duentxi, koda inen matxi, limpa inen leplôsu, kolê ku demónó, nansê lêsêbê di glasa di glasa a ka dá. <sup>9</sup>Na bé ku ôlô, plata nê blonzi ni xintu nansé fá, <sup>10</sup>Nê saka na bé kuê ni stlada, nê dôsu lôpa, nê sandalheti, nê bengala, punda dignu sá tlabadô di kumê dê. <sup>11</sup>Kwa kwali lason â vila ku nansê ka lentlám gólo ngê bwadu nai, tala antê nansê ka xê. <sup>12</sup>Olá nansê, ka lentla ni ké, saudê. <sup>13</sup>Xi ké sá bwadu, dessa paji nansê ni liba dê, maji xi ê na sa bwadu fá, ku paji nansê ka bila da nansê. <sup>14</sup>Pla inensê ku na lêsêbê nansê fá ô na tendê palavla nansê fá, ola nansê ka xê di ké sé ô poson saguji puela di opé nansê. <sup>15</sup>Védê mé ugã flá nansê: toleransa ka bi sen da tela di sódoma ku gômôra mija di julgamentu dôkê poson sé. <sup>16</sup>Pia ami ska manda nansê mó ovelha pa ômê di lôbô, anton sá bêtádô mo klobó ximpli mó pombin. <sup>17</sup>Toma sustensu kontla inen ngê, punda inen ka bi tanda nansê ni tlibunali ku inen xinagôga dinen nansê ka bi toma sôtxi. <sup>18</sup>Plôvia da mi nansê ka bi wê govênu ku inên alê mó uwã sêstêmunho dinen da gentios. <sup>19</sup>Ola inen ka bi tanda nansê, na ta kiola kiola da kwa ku nansê ka bi fla fá, maji ni ôla setu a ka bi da nansê kwa di flá. <sup>20</sup>Punda ê na sa nansê zó ka bi fla fá, maji suplitu di pé nansê zó ka bi flá da nansê. <sup>21</sup>Inen manu ka bi tanda manu pla motxi i pé a mina dê, Inen mina ka bi lanta kontla pé ku mé dê di mata inen. <sup>22</sup>Plôvia nami mu tudu ngê ka bi tê ójó nansê. Maji isé ku kata flimi antê ê ka kaba ka bi stlava. <sup>23</sup>Olaxi ku inen petu, Punda védê védê mé ugã flá nansê: nansê na ka pô ba tudu poson di Israeli, sê pa mina do Omé bi fá. <sup>24</sup>Dixipulu na sa maxi tamé, di mesé dê fá, nê selivi sa liba di sun Dê fá. <sup>25</sup>Esa bwa pa dixipulu sa mo mesé dê, i selivi mo sun Dê, xi inen ka sama mesé de di ké di belzêbu, maxi pyolá ka bi sa nami ku inen ka bi dá a inen menblu di ké dê. <sup>26</sup>Anton na mendu fá, punda nadaxi na sên kondidu ku na ka bi sa betu fá, i nadaxi kondidu ka a na ka bi sêbê fá. <sup>27</sup>Kwa kunga flá nansê ni kulu, flé ni solo plamá, kwa nansê ka tendê, stlékêdu ni olha nansê, flé liba dinen ké. <sup>28</sup>Nansê, na ka tê mendu dinen sé ku ka mata klôpô, maji alima inen na ka fô mata fá. Maji tê mendu di sé ku ka pô kaba ku alima ku klopô ni nfênu <sup>29</sup>na sa dosu paudais bendidu plô uã xintason â? Axén mé mpão dinen ka kiê san sê fá, pé nansê sêbê. <sup>30</sup>Antê kabêlu di kabesa du nansê, tudaxi sá kantadu. <sup>31</sup>Na mendu fá, nansê ka valê maxi dôkê yô pardais. <sup>32</sup>Anton tudo ise ku ka konfessa ami ni wê dinen omé, Ê tembétê ka bi konfessê ni wê di pé mu ka sa bu osé. <sup>33</sup>Isé ku ka nega mu ni wê omé, ami tembetê ká bi negé ni wê pe mu ku sa ni osé. <sup>34</sup>Na kunda kuma û bi ku paji liba tela, ami na bi ku paji fá, maji supada. <sup>35</sup>Ê bi pon pê Omé kontlá fé dê, i mina kontla mén dê, i nâsa kontla stlôga. <sup>36</sup>Inen numigu di omé ka bi sa di plópi ké dê. <sup>37</sup>Isé ku ka ama pê ô mén maxi dokê ami na sa dignu di ami fá; isé ku ama moso ô mina maxi dôke ami na sa dignu di ami fá. <sup>38</sup>Iséla ku na pega klusu dê lélé mu na sa dignu di ami fá. <sup>39</sup>Isé ku ka bê vida dê ka bi plêdê, Maji isé ku ka plede vida dê plôvia di ami ka bi belê. <sup>40</sup>Isé ku lêsêbê nansê, a mi ka bi lêsêbê. Isé ku ka lêsêbê ami, témbête ka bi lêsêbê isé ku manda mu. <sup>41</sup>Isé ku lêsêbê uwã plofêta. Punda ê sa uwã plofêta ka bi lêsêbê nganhu di plofeta, isé ku lêsêbê uwã omé justu, pundê ê sa uwã omé justu, ka bi lêsêbê nganhu di omé Justu. <sup>42</sup>Ugê ku antê uwã kopu d'awa mé dá uwã, inen sé txokó, pundá ê sá uwã dixipulu, véde vedé mé uga flá nansê. Di nyão modu ê na ka plêdê nganhu dê fá.

**11** <sup>123</sup>1 Ôla Jezu kaba di xina inen dôzê dixipulu, êxê dai ba xina pléga ninen poson dinen. 2 Zon ni plizon têndê flá di Jizu, ê manda uwa lékadu pô mê d'inen dixipulu dê. 3 Ê fadinen: "Bô sa ixi ku tava di bi, ô otlô ngê sen ku non taka guada?" Jizu kuji nen: "Bé flá Zon kwa ku nansê têndê i bê:

<sup>5</sup>Inen ségu lêsêbê wê, inen lezadu ska nda, inen lêplôsu sá limpu, inen sudê ska têndê, inen motxi bila lanta Vivê, Vanjeli sá fladu a inen sé ku plixiza.

<sup>6</sup>I abensuadu sá isé ku na bê ku na ka bê ni ami kwa di tlópesa fá. <sup>7</sup>Ôla inen ta ka bé fô stlada dê, Jizu komesa ka flá povô di Zón: "kêkwa nansê ba pia ni kampu zêtô? Uwa kana ku ta ka jinga plô Ventu? <sup>8</sup>Kêkwa nansê ba pia? Uwa omé bixidu di lôpa fina ni védê ningê ku ka bixi loupa fina ka vivê ni ké dinen alê. <sup>9</sup>Maji Kêkwa nansê bá pia? Uwa plófeta? Yôxi, U ga flá nansê: Muntu maxi dôkê plófeta. 10 Ise sa ixi di ngê ku sa sklêvidu: "Pia, U ska manda mosu lekadu mu ni wê bô, ixi ku ka bi ni wê bô plivini stlada; <sup>11</sup>11 Ni védê u ga fla nansê ni omé ninen sé ku nansê mwala nya ongê sa maxi tamé dêkê Zon Batista fá: Maji ngê manu plexizu ni lênu dinen osé sa tamé dôkê.

<sup>12</sup>12 Jina inen dja di Zon Batista antê ozé, lênu dinen osé ka supli violénsia, inen omé ku ka stlivi di violénsia inen ka tomé

ni fôsa.<sup>13</sup>Punda tudu inen plófeta i a lê inen plofeta antê Zon. <sup>14</sup>Xi nansê mesê kanxintxi kwa sé, isé sa Ilias, ku tava di bi.  
<sup>15</sup>Isala ku tê dna de tendê ka tendê.<sup>1617</sup>16 Kê kwa ku u ga pô, komparar zélason sé? Sá mó anzu ni féla ka flóga, ku ka tason sama uwa a ôtlô. 17 Zó fla non toka flauta nansê na dansa fá. Non lamenta e nansê na sola fá.<sup>1819</sup>18 Anton Zon bi, ê na kumé, fa ê na bêbê fa, inen fla? Ê tê demono."19 Mina de omé bi kumé i bebê, inen fla: Pia, Ê sa uwa omé ku ka kumé muntu bila bêbê muntu uwa migu di ngê ku kóbla impostu dinen piskadô! Maji sebê dê sa justa plô ôbla.<sup>202122</sup>20 Anton Jizu kiê ka lêplêndê inen poson anji maxi montxi dínen milagli dê fô fedu, punda inen na lependê fá.21 Ai di bô, Korazim! Ai di bô, Betisaida! Xi inen milagli ku fô fédu ni nansê xi ê ka sa fédu ni Tiru ku Sidon, inen ka bi sa lê pendidu yô tempu ku lôpa di saku ku Xinja.22 Elê manda ni dja di julgamentu toléransa ka bi sen maxi fla Tiru ku Sidon dêkê pa nansê.<sup>2324</sup>23 Bô kafarnaun ka bi sá boyadu ni osé? Nôô! Bô ka bi sa zugadu pê nfenu;. Punda; xi ni Sôdoma ka fé inen milagli ku fô fédu plô bô; ê ka bi sa antê ozé. 24 Maji u ga flá bô ku ê ka bi sa maxi levé ni téla di Sodôma; ni dja di Juxi; dôkê pla bô!!<sup>252627</sup>25 Ni óla sé mé; Jizu flá: Uga louva Bô; Pé; Sumu dosé; di téla; punda bô kondê inen kwa séda inen bé tódô a inen sêbêdô; inen anzu bô flá. 26 Pé; yóxi; punda axén sa vonté Bô. 27 Tudu inen kwa sé fô kunfiadu Ami olô Pé Mi; nyão ngê na konsê mina pé tan nyão ngê na konsê Mina; xi ê na sa Pé fá; nyão na konsê Pé xi ê na sa plô mana fá. Ixi ku mina plópi mesê musa.<sup>282930</sup>28 Bé ami tudu nansê ku sa kansadu ku yô kéga uga da nansê paji. 29 Toma jugu mu pê liba di nansê xina di ami; punda u sa mansu sosegadu dí kloson i nansê ka bo bê diskansu pla alima nansê; 30 Punda Juzu mu sá bwadu kéga mu sa lévé.

12 <sup>121</sup>1 Ni tempu, sa la Jizu vala ni plantason di sêreais ni dja di sabadu. Inen dixipulu Dê tava ku fomi anton inen komesa ka kôyé spiga ka kumé. 2 Maji ola inen falizeu bê kwa se, inen fada Jizu: Pya, inen dixipulu bô ska fé kwa ku na toka fa ni dja sabadu.<sup>34</sup>3 Só só só Jizu fadine: "Nansê na xi lê kwa ku Davi fe ola êlê ku inen ome dê tava ku fomi a? 4 Ê lentla kê Dêsu kume inen npon santu, kwa ku ê na toka kume fa, nê inen xi pa tava kwê, kwa ku sasedotxi tangon tan ka pô kume.<sup>56</sup>5 Nansê na bê ni alê, kuma inen sasedotxi ka plofana sabadu ni templu, maji inen ka ta sê kupla fa? 6 Andê jime nja fada nansê: Nai tê ngê ku sa maxi tame dôkê templu.<sup>78</sup>7 Xi nansê ka sêbê kwa ku sa: Ami gôgô ku mixikoji saklifisu fa, a naka konde na, nosêntxi fa. 8 Punda Mina ome sa Sun di sabadu.<sup>910</sup>9 Anton Jizu xê nala lentla xinagoga. 10 Nala tava ku uwa ome ku uwa mon lezadu. Inen falizeu punta Jizu: Ê sa setu kula ni sabadu? Di modo se inen ka pô kuze di peka.<sup>1112</sup>11 Jizu fadine: " Kê ome ni ômê nansê, kutê uwa ôvêlha tâ, xi ôvêlha sê kyê ni kobo, ni sabadu, ê na ka sêndê mon txila da la fa? 12 Kantu maxi ka valê, uwa ome dô kê ôvêlha! Dayem a pô fe bem ni sabadu.<sup>1314</sup>13 Anton Jizu fla ome: "Sêndê mon" axen ku ê sêndê mon, mon fô kuladu, fika axen kuma ôtlô mon. 14 Maji inen falizeu plama konté, di kuma inen ka pô txilé vida.<sup>151617</sup>15 Ola Jizu bi sêbê kwa se, Ê xê dai. yô ngê ku lêlê, so so so Ê kula inen tudaxi. 16 So ku Ê lêklê inen pa niwa ngê na sêbê kengê sa Êlê fa. 17 Di modu ku kwa ku plofeta fla sa vede.<sup>1818</sup>18 Ê fla: Pya selivi Mu kun kôyé, Amôlé Mu, ixi ku alima Mu ka gôgô kwê. Ami ska bi pê Suplitu Mu ni liba Dê, Ê ska bi da nitixa di justisa da inen jentiu.<sup>192021</sup>19 Ê na ska bi plufia, nê glita fa, niwa ngê na ka bi têndê fala dê ni lwa fa. 20 Ê na ka kebla kana plêmidu, ne pavu ku ska xê ligô fa, antê ku justisa ka tê vitoria, 21 Inen jentiu ka bi pê kunfiansa dine ni nomi Dê"<sup>2223</sup>22 Anton a be ku uwa ome segu mumu, ku demono ni ubwê Dê, so ku Jizu kulê. Ê da kwa ku ome mumu komesa ka pya bila fa. 25 tudu mansa ngê fika pantadu ka fla: Ome se sa mina Davi?<sup>2425</sup>24 Maji, ola inen falizeu têndê milagli se, inen fla: "Ome se na ska txila inen demono xi ê na sa plô Belzêbu fa, plinxipi di dutu demono". 25 Mo Jizu, konsê pensamentu dine, ê fa-dine: Tudu lênu ku divizon ni ômê ka blaga, tudu ké ô poson ku demanda tudu ola ê ka blaga.<sup>2627</sup>26 Xi Demono ka kólê ku Démono, anton êtê divizon di modu se kuma lênu dê ka gwenta? 27 Xi Ami ka txila inen démono plô Belzel, anton kêngê anzu nansê ka txila kwê? Plôvya kwa se, inen kabi sa zuxi kontla nansê.<sup>282930</sup>28 Maji xi Ami ka txila démono ni Suplitu Desu, anton Sumu Desu xiga da nansê. 29 Kuma a ka po lentla ke di ome butu- butu futa bem dê xi plumê a na male fa? Di modo se, a pô futa kwa ku sa ke dê . 30 Ixi ku na sa ku Ami fa sa kontla Mu, ise ku sa zunta ku ami fa wanga.<sup>3132</sup>31 Êlê manda nga fla nansê a poda inen ome tudu pekadu ku blasfemya, maji blasfemya kontla Suplitu na ka bi sa podadu fa. 32 Kwa kwali fla uwa palavla kontla Mina Ome ise ka tê pedon ; maji ixi ku fla kontla Suplitu Santu, ise na tê pedon, nê ni mundu se, nê mundu ku sa di bi fa.<sup>333435</sup>33 Xi uwa pó sa bwa, kume dê sa bwa, xi uwa pó na bwa fá, kwne dê te na ka bi sa bwa fa, andê jime uwa po sa konxidu ni kume dê. 34 Lasa koblo, xi nansê sa mau, kuma nansê ka pô fla kwa ku bwa? kwa ku sa xa ni kloson so ku boka ka fla. 35 Ome ku bwa, ni bau dê ku bwa ê ka txila kwa bwadu, maji ome ku na bwa fa, ni bau de ku na bwa fa, êka txila kwa mali.<sup>3637</sup>36 Nga fla nansê, ni dja de Jizu, tudu ngê ska plesta konta di kada palavla obisena ku a txila ni boka. 37 Êlê manda plovyu palavla bô, bó ka bi sa kondenadu."<sup>394038</sup>38 Anto, inen eskliba ku inen falizeu fla Jizu: Mese ê, non mêsê bê uwa xinali Bô." 39 Anton Jizu kujinen: Ma zelason aduteru ska golo xinali, niwa xinali a na ka alefa, xi no sa xina di plofeta Jona. 40 Axen mo Jona tá tlexi dja tlêxi nôtxi ni bega pixi glandji, Axen Mina Ome ka bi ta tlêxi dja tlêxi notxi ni kloson de tela.<sup>41</sup>41 Inen ome di Ninive ska bi lanta, ni Juzu, kontla ngê di zelason se di kondena inen, punda inen lêpendê ku plegason di Jona, agola pya: nai ten ngê maxi tame dê kô Jona.<sup>42</sup>42 Lainha di Sulu sa di lanta, ni juiza ku inen ome de zelason se di kondena inen, punde ô bi di tela lôndji di têndê sêbê ai Salumon, agola pya: nai tô ngê maxi tame dô kê Salumon.<sup>434445</sup>43 Ola demonó ka xê ni uwe ome, ê ka nda vunjunu vangana gola lujê tamê, maji sê bêlê. 44 Anton ê ka flo: Ami ska ba ke mu, kanya m'tava nê? Ola ê ka bê, ê ka bêlê kê balidu bem lumadu. 45 Anton ê ka be ku ôtlô sete suplitu py olo dô kê, di lanta vivê na la Anton kondison di vida ka sa pyola dô kê plumê. Axên ka bi sa ma zelason.<sup>4646</sup>46 Andê jime ola Jezu tava ka fla da povo, men dê ku inen manu dê tava lwa, ka golo modu fla kwê. 47 Só ku a fedê:" Pya, Men bô ku inen manu bô mêsê fla ku bô.<sup>484950</sup>48 Maji Jizu fla da ngê se ku fla kwê: Ê ngê sa men Mu. 49 Anton ê sêndê mon da inen disipulu Dê fla:

Pyá men ku inen manu mu sa inen!. 50 Punda ixi ku ka fe vontê Pé mu ku sa ni ose, ngê se so ku sa manu, mana ku men Mu."

## 13

<sup>12</sup> Ni dja se Jizu ni ke ba tason bodo omali: 2 Uwa manse ngê zunta bodo Dê. Anton Ê lentla vapô tason: Tudú ngê fika mundjadu ni ple.<sup>3456</sup> 3 Anton ni vesu Jizu yô kwa. Ê fla: Uwa ximiyadô xê ka ximya. 4 Ola ê tava ka ximya uwa- dôsu ukwe kyê ni bodo stlada, inen bisu dése kumê. 5 Otlô kyê kama té budu, luge té pôkô balu, ê na tada fa ê da wê punda balu na sa montxi fa. 6 Maji ola sola nansê, inen kema, ande jume inen na tava ka leji de gwenta fa, anton inen suga.<sup>789</sup> 7 Ôtlô ukwe kuê ni ômê po ku tê pyan, inen klêsê plême inen xi ka a ximia. 8 Ôtlô kyê ni bwua telá inen se da kume, ôtlô da maxi dôkê sem, ôtlô sesenta ôtlô tlinta. 9 Ngê tê olha, têndê.<sup>101112</sup> 10 Inen dixipulu bi zao fada Jizu: "Punda kwa manda Sum ka fla da pôvô ni vesu". 11 Kujine, fla: Adá nansê sotxi di têndê stlegedu di Lenu di tudú Ose, maji inen fa. 12 Punda ixi ku tê, a ka bila dé montxi, maji ixi ku na têfa, pôkô ku ê tê a ka bi la toma.<sup>1314</sup> 13 Ami nga fla ku inen ni vesu, punda, a pô pya , maji a na ska bê fa a pô têndê, maji ka kô sudu, ku na têndê ne sêbê fa. 14 Ni inen, ka kumpli plofecia di Isaia ku fla: "Têndê, a ska têndê maji di modu nho têndê, pya a ska pya, maji di modu nho a na sêbê fa."<sup>15</sup> 15 Punda kloson pôvô se bila lizu, inen ka têndê ku ma vonte, bila fisa wê, axem fa, inen ka bê ku wê, têndê ku olho, kômplêndê ku kloson, lêpêndê, Ami ka kula inen.<sup>1617</sup> 16 Wê nansê sa xa di benson, punda ê ska bê, olha nansê, punda ê ska têndê. 17 Ni vêdê nga fada nansê kuma yô plofeta ku ome justu gôgô di pya kwa ku nansê ska bê, inen na bêlê fa di têndê kwa ku nansê ska têndê, inen na têndê fa.<sup>1819</sup> 18 Anton, plesta atenson, da vesu di ximiyadô. 19 Ola uwa ngê ka têndê palavla de Lenu, maji na pota fa, anton maliginu ka bi futa kwa xi ku a ximya ni kloson dê. Ise sa ixi ku fô ximiyadu ni bodu stlada.<sup>2021</sup> 20 Ise ku fô ximiyadu kama té budu sa ixi ka têndê palavla lêsêbê meda ola ku aledlia, 21 Maji ê na tê leji fa, ê ka gwenta pôkô tempu tan. Ola tlibulason ô plexigison ka plasê plôvya palavla, moda ola sa ka tlopesa.<sup>2223</sup> 22 Ixi ku fô ximiyadu ni ômê planta ku tê npyosa ise ka têndê palavla, maji vugu di mundu ku ngana da likêza sofoka palavla, ê na poji da kumê fa. 23 Ixi ku fô ximiyadu ni tela bwuadu ê sa ise ku têndê palavla ku atenson, vede me ise so ka dá kume, ôtlô ka da sem vê maxi do kê ku fô ximiyadu, ê tê sesenta, ôtlô tlinta vê maxi.<sup>242526</sup> 24 Jizu musa inen ôtlô vesu, fla: Lenu dinen Ose sa mo uwa ome ku ximya ukwe bwuadu ni kampu dê. 25 Maji, ola a ska dumini numigu dê bi tembetê ximya kana blabu ni omê tligu, so bêdê. 26 Ola ukwe tligu da wê so ku da spiga ku kume, kana blabu tembetê plasê.<sup>2728</sup> 27 Inen selivi di dossu kampu bi fadê: Sum na ximya ukwe bwadu ni kampu sum ã? Kuma kana blabu sa nê? 28 Ê fadinen uwa numigu fe kwa se: Inen selivi fla: Sun mêsê pa non lankê?"<sup>2930</sup> 29 Donu kampu fla: Ino pê nada kwa ola nansê ka saya kana blabu, a ka pô saya tligu guntu kwê. 30 Desa inen dosu klêsê zuntu antê dja kolhêta. Ni dja kolhêta nga fada inen , inen tlabadô mu: Saya kana blabu plumelu male fêsu fêsu pa kema, maji zunta tligu ni alimanye ma.<sup>3132</sup> 31 Anton Jizu musa inen ôtlô semplu, fla: Lenu dinen Ose sa mo ukwe di mostarda ku uwa ome toma ximya ni kampu dê. 32 Ukwe se, di vêdê, ê sa maxi txoko di tudú ukwe. Maji, ola ê ka klêsê, ê ka bila maxi tamé tudú po di jardin, ê ka bila glandji, di modu ku bisu d ô se ka fe ke pê many dê."<sup>33</sup> 33 Anton Jizu bila konta uwa vesu da inen: Lenu dine Ose sa mo flomentu ku uwa mwala toma zunta ku dosu mindjida fanha antê ku masa flementa."<sup>3435</sup> 34 Tudú inen kwa se Jizu fle da pôvô ni vesu, Ê na fla nada xi, sê vesu fa. 35 Ise sa pa kampli kwa ku fô fladu plômê de plofeta bila vêdê ola ê fla: Ami nga bili boka mu ni vesu, fla inen kwa se ku tava kondidu djina punda sum de mudu.<sup>36373839</sup> 36 Anton Jizu desa pôvô lentla ke. Inen disipulu Dê bi zao fla: xplika non vesu di kana blabu ni kampu." 37 Jizu kuji, fla: Ise ku limya ukwe bwadu sa Mina Ome. 38 Kampu sa mundu, ukwe bwadu sa inen mina di lenu kana blabu sa inen mina maligino, 39 numigu ku ximya sa demono. Dja di kôyê sa fim mundu, inen tlabadô de ku koyê sa inen anzu dôse.<sup>40414243</sup> 40 Andê jime, mo kana blabu sa koidu kumedu ni fôgô, axem ka bi sa fim mundu. 41 Mina Ome sa di bi ku inen anzu dê inen ka ba zunta ni lênu dê tudú inen kwa ku ka fe poka, ka ku inen xi ku fe mali, 42 Zao di juga inen ni fono fôgô, kama a ka ba kume dentxi ka zeme. 43 Anton inen justu ka ba luji mo solo, ni lênu de pe dinen. Ixi ku tê olha, têndê.<sup>444546</sup> 44 Lenu dinen Ose sa mo uwa têzoru kôndidu ni uwa kanja ku uwa ome bêlê zao kondê. Ne gôstô ku ê tê, ê bê, bêndê tudú kwa ku ê tê koplá kampu se. 45 Otlô maxi, Lenu dine Ose sa mo uwa ome negoxo ku ska golo kwa (perula) plexizu. 46 Ola ê bê perola ku ka valê uwa data, ê be bêndê tudú kwa ku ê tê koplá perula se.<sup>4748</sup> 47 Ôtlô vê, Lenu dine Ose sa mo uwa lêdê ku fo lansadu pe omali ê ka pega tudú kô lô pixi. 48 Ola ê ka xa, inen piskadô ka soye pê ple. Anton a ka tason zunta tudú kwa ku bwa pê kwali, maji ixi ku na bwa fa a ka zuge buta.<sup>4950</sup> 49 Ê sa moda se n fim mundu: inen anzu ka bi pota inen máu ni ômê justu, 50 Zao zuga inen ni ômê di fono fôgô, andji a ka ba zeme kame dentxi.<sup>525351</sup> Nansê têndê inen kwa se? Inen disipulu kuji: yôxi." 52 Anton Jizu fadine: "Andê jime tudú mese di alô ku ka bila dixipulu di Lênu di Ose ê sa mo uwa ome donu ke, ku txi inen kwa ve ka novu ni tizôru dê. 53 Ê da kwa, ola Jizu kaba inen vesu se, Ê desa luge se.<sup>545556</sup> 54 Anton, ola Jizu lentla flêgedja dê plopi, Ê xina ni xinagoga da yô ngê, inen fika pontadu ka fla: Danji ome se bé sêbê ku inen milagle se? 55 Ome se na sa mosu kapintêlu ã? Men na sa Maya ã? 56 Inen mana Dê na sa ni ôme non ã? Anton kê kama ome se txila tudú inen kwa se nê?"<sup>5758</sup> 57 Inen fe poka kazu di Jizu. Maji fadinen uwa plofeta, ni tela dê ni omê familia dê ê na tê lispetu fa.

## 14

<sup>1</sup> Ni tempu sala, herodes, tetrarka, têndê nutixa di Jizu. <sup>2</sup> Ê fada inen selivi dê: "Isê sa Zon, Batista. Ê kada ni motxi, ele manda ku inen pôdê se ê ka fé"<sup>3</sup> Punda herode tava maladu Zon, male pê ni kadjan plovi di herodia, mwala di filipí, manu dê, <sup>4</sup> Pundá Zon tava fladu: nasa Justu di ê tê no mwala bô fá. <sup>5</sup> Herodé ta manda mate, maji ê mendu pôvô, punda, inen tava ka bê zon mô uá plofeta. <sup>6</sup> Maji, ola aniversario di Herodé nganha, mina de herodias dansa ni ame dinen, kuvidadu

soso ê bwa da herode. <sup>7</sup>Anton ê plomete ku zulamentu kuma ê ka bi de kwa kwali kwa ku e ka piji<sup>8</sup>Soso ku istluson de mendê, ê fla: " Damu nain, ni uã platu, kabesa di Zon Batista" <sup>9</sup>Alê fika, tlistê da kwa ku mina piji, maji, plovía di zulamentu ku ê fe ni wê tudu ngê ku tava ni mesa ka janta ê da odji di fe kwasê. <sup>10</sup>Ê manda inen sode di ba kata Zon kabesa ni kadjan. <sup>11</sup>Anton bi ku kabesa ni uã platu so e da mina so ê ba tlega mendê. <sup>12</sup>Anton inen dixipulu bi toma klôpô dê ba ntela, ola inen kwase vala inen ba konta jizu. <sup>13</sup>Ola Jizu tênde kwa ku da, ê xe d'alá, lentla uã kanoa, ba luge patadu. Ola pôvô têndê kwase inen bi di poson d'ope lêlê Jizu, <sup>14</sup>Anton Jizu xê ni kanua, bê mansa pôvô, ê xintxi pena dinen kula doentxi dinen. <sup>15</sup>Ola taji nganha, inen dixipulu bi lêlê fade: Luge se sa kanpu azêtô taji ska nganha. Dípiji pôvô pa inen ba vila ba klopa kwa kume. <sup>16</sup>Maji jizu fa dinen: Ê na sa plixizu pa inen bê fá. da inen kwa kume. <sup>17</sup>Inen fadá Jizu: Non tê xinku npon ku dosu pixi tan nain. <sup>18</sup>Jizu fla: Bi kwê da mu. <sup>19</sup>Anton jizu da odji pa povo tason ni aliba. Ê toma inen npon ku pixi bila pya osé, da glasa katxi npon, da inen dixipulu ku patxi da povo. <sup>20</sup>Tudu ngê kume ante bega xa. Anton inen koyê pedasu ku soveza. Dozê kwali xadu. <sup>21</sup>Inen ngê ku kume ta sa xinku mili ome, sê konta mwala ku mina pikina. <sup>22</sup>Anton ê fa inen dixipulu kyê wê ba ôtlô kamyá, Ola ê tava dispíji povo. <sup>23</sup>Ola ê manda povo bédê. ê supli ôkê di ba fla lason, Ola kulu toma son, ê tava nala ele tan. <sup>24</sup>Maji kanoa tava lonji di tela ku matxilú plovía di basa d'omali, punda ventu sopla kontla inen. <sup>25</sup>Ni kwatlu ola di mlazagadu. Jizu pazê inen ka nda ni omali. <sup>26</sup>Ola inen dixipulu, bêlê ka nda ni omali inen mendu fla: "Ê sa uã alima, bluku" So inen glita di mendu. <sup>27</sup>Ola seme Jizu fla dinen: "Na mendu fa! Ê s'ami! tê korajê" <sup>28</sup>Pedu kuji ê: "Sumuê, xi êsa Sum, damu odji pa maba lêlê Sum kanda ni liba d'áwa" <sup>29</sup>Jizu fla: "Bi!" Axen pedu xe ba lêlê Jizu ka nda ni liba d'awa. <sup>30</sup>Maji, Ola Pedu bê ventu, ê xintxi mendu, kyê ka Funda, glita: "Sumuê, stlava-mu!" <sup>31</sup>Jizu medaola sêndê mon, tê Pedu fade. Ome di pôkô afê kamanda bô na kêlê fa?" <sup>32</sup>Anton ola ku pedu ku Jizu lentla ni Kanoa ventu mundja. <sup>33</sup>Inen dixipulu ni kanoa adora Sun fla: Vede me bô sa Mina Desu" <sup>34</sup>Ola inen kompleta viaji atlebesa xiga tela di genezarê. <sup>35</sup>Olá ome dala luze se bê kuma kwasa Jizu, Inen manda lekadu da tudu luge pa bi ku tudu doentxi. <sup>36</sup>Inen loga Jizu pa ê pô desinen tê bodo di mantu dê, soso tudu ngê ku te fô kulado

## 15

<sup>1</sup>Anton uã dôsu falizeu ku sklêvêdô livlu bi di Jerusalémfada Jizu: <sup>2</sup>kwa manda inen dixipulu Bô ka kêbla tladison inen ansian da?Punda inen na ka laba non ola a ka kume fa. <sup>3</sup>Jizu kuji fla: kwa manda nansê ka êbla mandamentu Dêsuplovía di tladison nansê?Punda Dêsu fla: Honla pe bô ku en bô; ixi ku tita pedi ku men dê mali ê pô di setu ê ka bi mólê. <sup>4</sup>Maji nansê ka fla: i xi ku fla pe dê ô men dê kwa kwali zuda ku a ka pô lêsêbê ni mo mu sa ofeta da Dêsu; Ngê se ka dêsa di honla pe dê fa ! <sup>5</sup>De moda se nansê ka txila palavla Dêsu plovía di tladison nansê. <sup>6</sup>Fingidu! Bem plofeta Isaias fla di nansê ola ê fla: <sup>7</sup>Pôvô se ka honla Mu ku boka tan maji kloson dinen sa londji di Ami. <sup>8</sup>Inen ka adola Mu en vâo, punda inen ka xina manadamentu di ome. <sup>9</sup>Anton Jizu sama pôvô da Êlê i fla: bili olia têndê: <sup>10</sup>Nada xi ku ka lentla ni boka na ka bila uã ngêimpulu fa.Maji ii ku ka xê ni bôka, ise ka bila uã ngê impulsu. <sup>11</sup>Anton inen dixipulu bi fada Jizu:"Sum sêbê kuma inen falizeu fika bloxidú, ola inen têndê palavla Sum?" <sup>12</sup>Jizu kuji fla:" tudu pó ku pe Mu seltialina imya fa ê ka bi sa lankadu. <sup>13</sup>Dêsa inen tan; inene sa giya wê segu.Xi uã segu giya ôtlô segu, dôdôsu ka kyê ni blaku. <sup>14</sup>Pedu kuji fada Jizu:Xinanon semplu se". <sup>15</sup>Jizu fla:" Antawo nansê na xi têndê fa?" <sup>16</sup>A na pya kuma tudu kwa ku lentlani boka ka vala ni stomacho zo xê ã?" <sup>17</sup>Maji inen kua ku ka xê ni boka ka bi di kloson i se so ka bila ome impulsu. <sup>18</sup>Punda ni kloson ka xê ma ni pensamentu,asasinu, adultéliu, sexu sê lispetu, futa, sestemunhu fasu, palavla obusena. <sup>19</sup>So inen kwa se so ka bila ome impulsu,maji kume ku mon suzu na ka bila uã ngê impulsu fa. <sup>20</sup>Anton Jizu xê dala ba dilesón d'inen poson di Tiroku Sidon. <sup>21</sup>Soso uã mwuala kananê bi dilegion se. kaglita:" tê pyedadjí mu, Sumu, mina Davi, mina mu sa tlomentadu plô demôno." <sup>22</sup>maji Jizu na kujê nê uã palavla fa.Anon inen dixipulu bi logÊ fla:"dispíjiê punda ê ska glita ni laxi non." <sup>23</sup>Maji Jizu fla:"Ami na fô mandadu xiê na sa pa inenovelha plêdidu di kê di Israel." <sup>24</sup>Sososo mwala bi kebla dzê ni wê Jizu, fla:" Sumu ê, zuda mu." <sup>25</sup>Ê kuji ê na sa bwa txila npon ni mina pikina zuga da kasô fa. <sup>26</sup>Mwal kuji,yô xi Sumu,maji antê inen kaso ka kume uku di kume ku ka kyê ni meza dinendonó dê." <sup>27</sup>nton Jizu kuji fla:" Mwal ê glandji sa afe bô!Ê sa fedu axem mo bô mêsê". Ni ola s mina dêdê fika kuladu. <sup>28</sup>Jisu dêsa lugê zop pôzê omali di Galileia, soso Ê subli uã okê tason nala. <sup>29</sup>Uã monsa pôvô bi lêlê;inen toka bi ku kôxxu, segu, mumu, lezadu, ôtlô ku tava ka dontxi.A be ku inenantê ope Jisu soso Ê kula inen. <sup>30</sup>Anton pôvô gôgô muntu ol inenbê mumu ska fla,lezadu sa kuladu, inen kôxu ka nda, inen segu ka bê. Inen tudaxi lova Dêsu di Israel. <sup>31</sup>Jizu sama inendixipulu dê fla: Ami têkompaxon di pôvô se, punda inen sa i ku ami tlexi dja,soso nadaxi inen na tê di kume fa. Ami na m~esê manda inenbe sê kume fa, nga mendu pa inen na kyê ni stlada," <sup>32</sup>Inen dixipulufla: " Lugê sa kampu azeto,andji non ka bê npon pa tudu pôvô se kume xa bêga?" <sup>33</sup>Juzu fa dinen: kantu npon a tê? inen fla : "sete npon ku uã pôkô pixi." <sup>34</sup>Anton Jizu da odji pa pôvô tason ni son. <sup>35</sup>Ê toma sete npon seku pixi da gjasa, patxi npon da inen dixipulu. inen dixipulu paxi da pôvô. <sup>36</sup>Tudu ngê kume antebega xa.Soso inen kôyê sete kwali xadu di pedasu kwa kume ku soveza. <sup>37</sup>Inen se ku kume ta sa kwatlu mili ome s^kônta mwala ku mina pikina. <sup>38</sup>Anton Jizu dispíji pôvô, lentla ni vapô xê ba legion di Magadã.

## 16

<sup>1</sup>Inen Falizeu ku Saduseu bi plapa Jizu, piji pa musa inen uã xinali d'ose. <sup>2</sup>Maji Jizu kuji: " Ola taji ku bi, nansê ka fla: Êka bi tê bon tempu,punda osé sa vlêmé. <sup>3</sup>Plama nansê ka fla: oze tê ma tempu, punda nedlina sa vlêmé A sêbê intlepetá aspetu d'ose. Maji a na sêbê intlepetá inenxinali di tempu fa. <sup>4</sup>Uã zelason maw adultela ka piji uã xinali na sa dadu xi ê na sa di Jona." Soso Jizu dêss inen bé dê. <sup>5</sup>Inene dixipulu xiga ôtlô kwosta, maji inen kêsê bé ku npon. <sup>6</sup>Jizu fada inen fika ku wê -betu toma kwidadu ku flementu di Falizeu ku Saduseu. <sup>7</sup>Inen dixipulu kkyô ka plufia fla: ê sa punda na bi ku npon fa.

<sup>8</sup>Jizu bê kwa se ê fla:"ome di pôkô afé, a ska pufia punda a na bi ku npon fa."<sup>9</sup>Nansê na bê nê lembla di xinku npon pa xinku mili ome di kwantu kali a kôyê fa? <sup>10</sup>Di sete xpon da kwatlu mili ome di kwantu kwali sovêza fa?<sup>11</sup>Kuma nansê na têndê kuma ska fla di npon fa? Plesta tenson toma kwidadu ku flementu di Falizeu ku Saduseu." <sup>12</sup>Anton, inen têndê kuma ê na tava ka fla pa inen toma kwidadu na ku flementu npon fa, maji di toma kwidadu ku xinanmentu dinen falizeuku saduseu.<sup>13</sup>Ola Jizubi inen lugê petu Sezareia di Filipe, ê punta inen dixipulu dê:" kengê pôvô ka fla ku mina di omê sa?"<sup>14</sup>Inen fla Uã dôsu ngê ka fla: João Datista, ôtlô Elias; zo ôtlô, Jeremias ô uã d'inen plofeta." <sup>15</sup>Soso Ê punte inen: Kengê sa mu da nansê? <sup>16</sup>Ximon Pedu kuji:"Bô sa klistu, minaDêsu vivo."<sup>17</sup>So Jizu kuji:" benditu bô sa Ximon Bbarjona mina Jonas,punda nasa kani ku sangi so musa bô kwa se fa, maji Pe mu ku sa ni osê . <sup>18</sup>Ami tembete nga fada bô, bô sa Pedu, ni liba budu se nga edifika glêza mu poto di nfenu na ka pô kwê fa.<sup>19</sup>Ami nga da bô sabi di lênu d'osê.Kwa ku bô liga ni tela ka sa ligadu n'osê, ixi ku bô paga ni tla ka sa pagadu n'osê."<sup>20</sup>Anton Jizu da inen dixipulu odji pa a na konta nê uã ngê Kuma Ê sa Klistu fa.<sup>21</sup>Djina ola se ba wê , Jizu kyê ka fada inen dixipulu kuma Ê sa plixizu ba Jeluzalém ba sufli yô kwa ni mon dinen ansion, plinxipali sasedotxi ku sklêvédô livlu; bi môlê koda ni têsêlu dja. <sup>22</sup>Anton, Pedu sama Jizu patadu, lêplendÊ fla: " Sumu ê, londji di sum, kwa se na ka bi da fa." <sup>23</sup>Maji, Jizu bila fade: xê ni wê Mu Santanaji, bô sa da mu ma uã budu di tlopesu punda bô na konsê kwa Dêsu fa, di ome tan."<sup>24</sup>Anton, Jizu fadinen dixipulu: Xi ngê mesê lêlê mu, se la ê nega vida dê, toma klusu lêlê mu. <sup>25</sup>Plotantu ngê mesê stlava vida dê ka plêdê. soso ngê ku ka plêdê vida dê, plôvia mu ka bêlê. <sup>26</sup>Punda kwê plôvetu uã tê di nganhu mundu ntêlu, maji plêdê vida dê? Kwê kwa ku uã ngê ka pô da ni tlôka di vida dê?<sup>27</sup>Punda mina di ome sa di bi ni glôya de Pe dê ku inen anzu dê. Antonê ka bi da lekompensa da kada ngê, di ka ku koda ngê fa. <sup>28</sup>Vede me nga fada nansê kuma uã dôsu ngê ku sen nai ku plapa motxi antê ku a ka bê mina i ome ka bi niLênu Dê."

**17** <sup>121</sup>Sxêxi dja vala, Jizu bê ku Pedu, Tiagu ku manu dê Zon, ba uwa ôkê ku inen patadu. 2 Jizu tlanfoma ni wê dinen, kala Dê bila ka luji mo solo, lôpa dê tava ka luji mo kandja.<sup>34</sup>3 So ku Muze ku Elias plasê ka fla kwê. 4 Anton Pedu fla Jizu:" Sumu, ê sa bwa non tá nai. Xi a mesê nga fe tlêxi tenda: Uwa da Sun, uwa da Muze, uwa da Elias."<sup>5678</sup>5 Ê ska fla antaô ola uwa nuve kubli inen, uwa vozu ku bi di nuve fla: Ise sa Mosu Mu amadu, Ngê nga gôgo kuê Ê ka fla." 6 Ola inen dixipulu têndê kwa se, inen kyê ku kale ni son zaô xa di mendu. 7 Anton Jizu bi tê inen fla: lanta na tê mendu fa". 8 Ola inen kôlê wê a na bê niwa ngê fa Jizu tâ.<sup>910</sup>9 Ola inen tava ka dêse di ôkê, Jizu lêkle inen, fla: Na konta vizon da niwa ngê fa Antê Mina Ome ka lesusita ni ômê motxi". 10 Inen dixipulu Dê punte, fla: Kwa manda inen eskliba ka fla kuma Elias toka bi plumê?<sup>111213</sup>11 Jizu kuji fla: Dê setu Elias kabi koseta tudu kwa. 12 Ande jime dga fada nansê: Elias biza, maji inen na sêbê fa, en vêji dese, inen fe kwa ku inen mesê kwê. Di modu se me, Mina Ome ka ba soflê ni mon dine! 13 Anton inen dixipulu têndê kuma Ê tava ka fla de Zon, Batista.<sup>141516</sup>14 Ola Jizu xiga zuntu pôvô, uwa ome bi da dize da Jizu fade: 15 " Sumu ê, te pena mosu mu, ê ka soflê muntu ka taki. Yô vê ê ka kyê fôgô, ôtlô vê ni awa. 16 Ami bi kwê da inen dixipulu Sun, maji inen Na pô ji kule fa."<sup>1718</sup>17 Jizu kuji fla:" Kê má gelason disklentxi, antê kê dja nga ta ku nansê ? Antê kê dja nga gwenta nansê? Bi ka anzu da mu" 18 Jezu lêplêndê demono ê xi ni mosu, ê fô kulado ni ola se me.<sup>192021</sup>19 Anton, inen dixipulu ba lêlê Jizu patadu fla: Punda kwa manda non na pô txile fa? 20 Jizu fadine: Plovya pikina afe nansê, vede me nga fada nansê: Xi a tê afe mo pikina ukwe de mostarda, a pô fla ôkê se: Xê nai ba la, Ê ka be. Nada na ka impusive fa. 21 Maji inen kosta demono se na ka xê, xi ô na sa plo lason ku Jizu fa. ( Inen kopya maxi gwado tempo na tê vexikulu).<sup>222</sup>Ola inen tava ni Galilêa antô, Jizu fla inen dixipulu dê: A ska bi tanda Mina Ome ni moon dine ome. 23 Inen ka bi mate maji, ni tlêxi dja Ê ka lesusita." Inen dixipulu fika tlisti uwa data.<sup>25</sup>

<sup>24</sup>Ola inen xiga karfanaum inen kobladô impostu di dôsu dlakima pozê Pedu, punta: Mese bô na ka paga imposto a? 25 Ê kuji: Yôxi, ê ka page". Maji ola Pedu lentla ké, Jizu antisipa fadê: Kwa bô ka fla? Kêngê inen alê di tela ka kobla taxa ô tîbutu? Di anzu dinen ô stlanjelu?<sup>2627</sup>26 Pedu fla: Di stlangêlu" Jizu fadê: Anton inen mina dê sa livlidi paga. 27 Maji pa bô na xintxi mali fa, ba omali, lansa azolo plumê pixi ku ba ka pega, tê bilyê boka. Bô ka bê uwa mweda di plata nai. Tome paga koblado impostu da amin ku bô."

**18** <sup>231</sup>Ni tempu se me, dixipulu ba lêlê Jizu puntê: Ngê sa maxi tame ni Lênu a´ Ose? 2 Jizu sama uwa anzu, pê ni ômê dine. 3 Zaô fla e vede me nge fla nansê, xi a na kônvertê bila mo uwa anzu fa, di modu nho a lanta ni Lênu d´Ose fa. <sup>456</sup>4 Anton ixi ku umilha mo anzu se ê sa maxi tame ni Lênu d´Ose. 5 Ixi ku lêsêbê uwa anzu mo ise ni nomi mu, ka lêsêbê mu, 6 Maji ixi ku pe uwa anzu se ku kêlê ni amin peka, milho uwa budu glandji de muinhu ka sa plundadu ni klonklo dê pê ka funda ni ômê omali.<sup>78</sup>7 Ai di mundu plovya ixi ka ku fe tlofesa! 8 xi mon bô ô opê bô ka fe bô tlepesa, kote zuga pê londja. Ê maxi bwa bô lanta ni vida mankêlê ô lezadu dôkê lentla fôgô eternu ku dosu mon ô ope.<sup>9</sup>9 Xi wê bô ka fe bô tlopesa, lanke zuga pê londji. Ê sa maxi bwa pa bô lentla ni vida ku uwa wê dôkê lentla ni fôgô eternu ku dôsu wê.<sup>1011</sup>10 Pya na fe bôkâ niwa anzu fa. Punda nga fada nansê kuma anzu dine no osê ska pya simple buê de pemú ku sá ni osê. <sup>121314</sup>12 Pya ê? Xi uwa ngê tê sem ôvelha, uwa dê plêde ê na ka desa noventa nove ni liba ôkê, ba tlaxe di ise ku plêdê fa? 13 Vêdê me nga fada nansê kuma, xi ê bêlê, ê ka sa ku gôstô maxi punda ise dô ke noventa nove ka na plêde fa. 14 Dê modu seme, ê na sa vonte Pé nansê ku sa ose pa uwa mina pikina plôdê fa.<sup>1516</sup>15 Xi manu bô peka ( kontla bô), bé, fle di falha dê, bô. 16 Maji, xi ê na kuji bê fa, bi bô ku maxi dosu nguê, anton, ni boka di dosu ô tlêxi têtêmunha tudu palavla ka sa konfirmadu.<sup>17</sup>17 Xi ê na kunxitxi di têndê bô fa, fla glêza. Xi ne glêza ê na mesê têndê fa, konsidere mo uwa djintxi ô kobladô di impostu.<sup>192018</sup>Vêdê me nga fada nansê: Ixi ku a liga ni tela ka sa ligadu ni osê, ixi ku a disliga ni tela ka sa disligadu ni ose. 19 Otlô kwa, ami ka fada nansê kuma, xi dosu nansê ka xintxi ni tela da kwa kwali kwa ku a pidji, pe mu ka fê plovya nansê. 20 Kamyã tâ dôsu ô tlêxi zuntadu ni nomi mu, nai ami sa ni ômê dinê.<sup>2122</sup>21 Anton Pedu bi lêlê Jizu

fadé Sumu é , kwantu vê manu mu ka peka kontla mu nga podé? Antê sete?" 22 Jizu kuji: Sete vê fa maji xtenta vejidi sete.<sup>232425</sup> 23 Êlê manda lênu diose sa mo uwa alê ku mesê fe konta ku selive dê. 24 Axen é konta komesa a bi ku uwa selivi ku dêvê dexi mili talentu. 25 Maji mo é na tê mô pagé fa, donu dê da oji di bendê zuntu ku mwala dê ku inen mina dê ku tudu kwa ku é tê, di paga divida.<sup>2726</sup> Anton selevi kye da dizê fla: Sumu tê poxensa ku ami, nga paga sun tudaxi. 27 Anton donu selivi, xa di kompaxom, livle podé tudu divida.<sup>2829</sup> 28 Maji selivi se xê bê ôtlô kompa dê ku tava ka dêvê sem denário. Ê kyê liba dê tê klonko, fla: paga mu kwa bô ska dêvê mu! 29 Kompa dê kyê loge ka fla: tê paxensa ku ami, nga paga bô.<sup>3031</sup> 30 Maji selivi na mesê pode fa. Ni vê di kwa sê, é boté ni kaja, antê ku é ka paga tudu kwa ku é ska dêvê. 31 Ola ôtlô selivi de alê bê kwa ku da inen fika tlisti uwa data, so so inen ba konta sun dine tudu kwa ku da.<sup>3233</sup> 32 Anton sun di selivi se samé fla: Selivi mau ami poda bô tudu divida punda bô loga mu. 33 Bô na pô tê maxikoji di mayê ku bô, axem ntê mixikoji bô fa?<sup>3435</sup> 34 Anton sun dê xa di leva tlegê da inen tlotuladô antê ku é ka paga tudu kwa ku é ska dêvê. 35 Axem tenbete Pe mu ku sa osé ka fe nansê, manu dê fa."

## 19

<sup>1</sup>Ê dá kwa ku olá Jizu kaba inen palavla sé, é ba galileia bé pla flekêja di judeia, ni lumuwê. Uwá jurdán. <sup>2</sup>Uwá mansâ ngê lêlê e kula inén.<sup>3</sup>Inen falizeu bi lêlê, plápé inen fadé: " é sa bwa uwa omé blaga vu mwala plô kakali kwa?". <sup>4</sup>Jizu kuji ka flá: "Bô na lê kuma ixi ku fê inen jinon kamesu fé inen omé ku mwala fá?"<sup>5</sup>I é tembete flá: Plôvia kwa sé, omé ka bi désa pé Dê ku mén dê i bi zunta ku mwala dê inen dôdôsu ka bi bila uwa kani tan? <sup>6</sup>Nayen Dêsu inen na bila sá fá, maji uwá kani tan, plutantu, ixi ku Dêsu zunta, niuã ngê na ka pô blaké fá.<sup>7</sup>Inen fadé: " ka manda, mozé manda non blaga zô da uwa kata di divórsiu? <sup>8</sup>E fadinen: Plovia klóson lizu nansê, mozê dessa nansê blaga ku mwala, maji ni komesu, na sa di moda sé fá. <sup>9</sup>û ga fla nansê kuma tudu kênxi ku ka blaga ku mwala dê, xi é na sa plovia di tlaision fá kasa ku ôtlô, é kometê adulteriu, (Omé sé ku ka kaza ku mwala sé ku a blaga kuê ténbetê ka kômêtê adultériu.<sup>10</sup>nen dixipulu flá Jizú: " xi vida di uwa omé ku mwala dê sa nada sé, é na bwa kaza fá" <sup>11</sup>Maji Jizu fadinen: "Na tudu ngê ku ka blasa xinamentu sé fa, maji inen sé tan ku ada plimison de kujiê" <sup>12</sup>Maji Êunukus sen ku sa naxidu, axén ni blega di mén dê, Ê tê êunuku ku sa fédu plâ, inen omé. Ê tê êunuku ku fé êlê mé di eunuku plôvia di lênu dinen osé. Isé ku sa bwa pia lêsêbê xinamentu sé ka lêsêbê!<sup>13</sup>Anton a bi ku ûwa dosû anzu da Jizu pé pô sendê mon liba dinen plá lason, maji inen dixipulu lêplendinen. <sup>14</sup>Andeji mé Jizu flá: "Dêssa inen mina pikina bi lêlê mu na kolê ku inen fá, punda lênu dinen osé sa dinen" <sup>15</sup>Ê pé mon liba dinen anton é xê dai.<sup>16</sup>Uwa omé bi lêlê Jizu i flá: "Mesê, ke kwa kun ga pô fé di bwa pan pô tê vida pô pala semplê?"<sup>17</sup>Jizu fadé: "Ka manda bô ka punta ami di kwa ku sa bwadu? ûwa tan sa bwa, maji xi bô mêsê lentla ni vida, kumpli inen mandamentu"<sup>18</sup>Omé punté: "Kê mandamentu?" Jizu kuji: "Na mata fá, na komêtê adulteriu fá, na bi futa fá, na lanta fasu sestêmunho fá, <sup>19</sup>Lispeta pé bô ku mén bô ama ploxiu bô mó bô mé"<sup>20</sup>Maxibin fadé: "tudu isen kwa sé u ska fê kê kwa sa plexizu antáo pan fé?" <sup>21</sup>Jizu kujié: "Xi bô mêsê sá bwa, bé, bendê kwa bô tê, dá inen pobli, bô ka bi tê likêza ni osé; anton bi lêlê mu." <sup>22</sup>Maji, Ola maxibin têndê kwa Jizu flá, é bê tlisti, punda é tinha yô ben.<sup>23</sup>Jizu flá inen dixipulu dê: "Védê védémê ugá flá nansê ku é ka kusta uwã omé liku léntla ni lênu dinen osé. <sup>24</sup>ôtlô vê ûga fla nansê: pla ûwa kamelu vala plô mê di uwa blaku di guya, é na ka kustá fá, dôquê pla uwa omé liku léntla ni lênu di Dêsu."<sup>25</sup>Ola inen dixipulu têndê kwa sé, inen babaká inen flá: "Anton gêngê ka pô sa slava?" <sup>26</sup>Jizu pia inen i flá: "Da omé é na ka pô sá fa, maji pla Dêsu tudu inen kwasé ka pô sá" <sup>27</sup>Anton Pedu kuji fadé: Pia nón Desá tudu kwa lêlê bô; Antón kêkwa nón ka bi nganhá?"<sup>28</sup>Jizu fadé: Vedé véde mé û ga flá nansê ku ni regerason, ola mina di omé ka tason ni tlonu di gloya dê nansê tembetê ku lêlê mû ka bi tanson liba dôzê tlônu pa julga inen dôzê tlibu di israeli!,<sup>29</sup>Tudu inen isé ku désá ké, Manu, mana, pé, mén, mina ô bén, plôvia di nomi mu, ka bi tê sên vê maxi bila leda vida plasemplé. <sup>30</sup>Andejimé yô dinen sé ku sa plumé ka bi sa tlaxi inen sé ku sa tlaxi ka bi sa plumé.

## 20

<sup>1</sup>Punda lênu dinen osé sa mó donu di uwa bén ku xê plam sedu, di goló tlabadô da vinha dê. <sup>2</sup>Zô é kunbina di paga inen tlabadô nwa denáriu plô, dja manda inen ba vinha dê.<sup>3</sup>Ê bila xê pô vota di tlistêlu hóla i é bê ôtlô tlabadô sê kwa fé ni plása. <sup>4</sup>I é fadinen nansê fô ba vinha mu témbétê, ûga bi dá nansê kwa ku sa justu hanton inen bá tlabá.<sup>5</sup>Ôtlô vê, é xê plô vota di sexta hóla i, ôtlô vê, ni nona hola, i é fé kwa sé mé. <sup>6</sup>Uwa vê maxi, plô vota di dexima plumêlu hóla. é xê é bê ôtlô sê kwa fé. E putá inen: Ká manda nansê sá nai munjadu jina plama sê kwa fé?. <sup>7</sup>Inen kuji é: Punda nyao ngê na fla ku nón fá. Ê fadinen: "Nansê pô ba vinha mu témbétê"<sup>8</sup>Ola taji xiga, donu di vinha flá administradô: Sama inen tlabadô fé inen pagamentu, komesa ku inen sê ku xiga ultimu antê plumê. <sup>9</sup>Ola inen tlabadô ku fô kontlatadu ni dexima plumêlu hóla inen xiga, kada ûwa dinen lêsêbê ûwa dénáriu. <sup>10</sup>Ola ku inen plumê tlabadô xiga, inen kunda ku inen ka pô lêsêbê maxi, andeji mé kada ûwa dinen témbétê lêsêbê ûwa denáriu.<sup>11</sup>Ola inen lêsêbê pagamentu dinen, inen kiê ka ngungúnu ku donu lósá. Inen flá: <sup>12</sup>Inén tlabadô ku sé ku xiga ultimu tlabá ûwa hóla tanganatan, Maji bô fé inen pagamentu mó non, ku guenta tudu masada di stluvisu dja ntêlu ku kalôlô fotxi.<sup>13</sup>Mani dónu kuji ûwa dinen, flá: miguê, ami na ngana bô fá. Bô na kunbina ku ami ûwa denariu ã? <sup>14</sup>Antón toma isé ku jibô bé bô, û disídi dá inen tlabadô sé kontlatadu utimu axém mé mó bô.<sup>15</sup>Ami na ka poji fé kwaxi kun mesê ku ben kuntê fá? Ô é sa mali da bô punda û fé ben? <sup>16</sup>Axén inen ku sa utímu ka bi sa plumê, i inen plumê inen ka bi sa utimu.(Samadu sa montxi, maxi koidu sa pôkô)<sup>17</sup>Ola xu ku Jizu tava ja subli ba Jêluzalén, é sama inen dôzê dixipulu patadu i, ni stlada, é fadinen: <sup>18</sup>Pia; Nón ska subli bá Jeluzalén. I mina di omé ka bi sa tandadu da inen saserdotxi ku isklibá Peixizu. Inen ka bi kondene da motxi <sup>19</sup>I a ka bi tandé da inen gentxi pá inen fé magason Dê, a ka dé vala, klusifiké. Maji ni tlistêlu dja é ka bi kodá.<sup>20</sup>Anton mén di mósu di zêbêdeu bi lêlê Jizu ku mosu

dê. Ê dá dizê ni wê Dê i diji ê uwâ favôlô. <sup>21</sup>Jizu punté: Kekwa bô mèsê? Ê kuji: Manda ku, ni lênu bô, inen dôsu môsu mu inen ka pô tanson, ûwa ni klêtu bô ôtlô ni skédu bô. <sup>22</sup>Maji Jizu flá: Bô na sebê kwaxi ku ska piji fá. Nansê ka pô bêbê kalsi kun sa kwaxi bêbê? Inen kuji: Non ka pôji. <sup>23</sup>Ê fadinen: Kalísi mu védé nansê ka bi bêbê. Maji tanson klêtu mu ku skédu mu na sa ami zó ka dá fá, maji isé sa pla inen sé ku, fô plivinidu plô pé mu! <sup>24</sup>Ola ôtlô déxi dixipulu tэндê kwa sé, inen fika blôxidu ku inen dôsu manu. <sup>25</sup>Maji Jizu sama inen ba bódó fadinen: Nansê sêbê ku inen govenú dinen gentxi inen ka domina, inen omé maxi plixizu ku ka tê pôdê liba inen. <sup>26</sup>Maji modu sé na takasa omé nânsê fá. Andejimé, <sup>27</sup>kakali ku mesê bila glanji ni ôme nansê taka sá selivi nansê: Kakali ku mesê sa plumê ni omé nansê toka sá selivi nansê. <sup>28</sup>Axén mé mina di omé na bi pé pô sa stlividu fá, maji pê pô stlivi, i pê pô dá vida dê di livla yô ngê. <sup>29</sup>Ola inen xê di Jerikó, yô pôvô ku lelê. <sup>30</sup>Antón dôsu inen omé segu ku tava tasondu bela di stladá óla inen tэндê ku Jizu tava ka vala pétu, inen glita kiê ká flá: Sumu, mina di Davi, tê mixikoji di nón. <sup>31</sup>Maji pôvô kuji inen, fada inen pinen ka boká. Axén mé inen tava ka glitá ku maxi fôsa ka flá: Sumu, mina di Davi. Tê mixikoji di nón. <sup>32</sup>Antón Jizu Munja, sama inen i flá: Kêkwa kú nansê mesê pan fé nansê? <sup>33</sup>Inen flá: Sumué, bili nón wê <sup>34</sup>Antón Jizu, xintxi konpaxon ô pena dinen, toka ni inen wê dinen. Nêdaóla wê bili inen zaó nen lêlê. Jizu.

## 21

<sup>1</sup>Ola Jizu ku inen dixipulu dê tava pétu di Jêluzalém inen xiga barfagé, ôkê dinen oliveira. Dai Jizu manda dôsu dixipulu. <sup>2</sup>Fadnem: "Lentla flêkêja xanxan nansê ka bê nala ûwa jumentu mwala maladu, ku mina jumentu zuntu dê. Sôta inen bi kwê da mú." <sup>3</sup>Xi ngê flá nansê kakali kwa di kwa sé, flá: "Inen sa plixizu da Sun miolémé Sun ka manda Inen" <sup>4</sup>Kwa sé dá pa ê pô kumpli kwaxi ku fô fladu plô plofeta, ku flá: <sup>5</sup>"Flá mina di sion: Pia, alê bô ska bi skabi mansu ni liba uwâ jumentu, ku uwa jumentu txokó, baisu kia di kega" <sup>6</sup>Antón inen dixipulu bé inen fé mó Jizu ta ximinen. <sup>7</sup>Inen bi ku Jumentu ku jumentinhu, inen pê lôpa dinen ni liba bisu Jizu Tasón. <sup>8</sup>Uwadata povô wangá lôpa dinen ni stlada, ôtlô inen kebla manga dinen pó inen ta ka wanga pê stlada. <sup>9</sup>Inen pôvô ku vala wê di Jizu i inensé ku ta ka lêlê, inen glita taka flá: "Hosaana mina di Davi! Benditu sa ixi ku ka bi ni nomi di sun! Hosana ni liba!" <sup>10</sup>Ola Jizu lentla ni Jêluzalén, tudu posón tava tugudu, ka flá: "Kêngê sa isé?" <sup>11</sup>Inen povê kuji: "Isé sá Jizú, plófeta di nazalé di galileia." <sup>12</sup>Anton Jizu léntla ni templu i kôlê ku tudu inen sé ku nai tava ka koplá bila bëndê, témbétê blaga mésa di jêlu di ngê ku ka tloka jêlu ku banku di inen sé ku ta ka bëndê ponbin. <sup>14</sup>E fadinen: "Esa sklêvidu: ké mu ka bi sá samadu kée di lasón, maji nansê ska fé dê ûwa luké dinen ladjón" <sup>13</sup>Inen segu inen lézadu inen bi lêlê ni templu, i ê kula inen. <sup>15</sup>Maji, ola inen sasedotxi inen iskliiba maxi plixizu bê inen milaglu ku ê fé ola inen tэндê mina pikina ka glita ni templi kie ka flá: "Hosana mina de Davi" Inen fika ku léva. <sup>16</sup>Inen fadé: "Bô ska tэндê kwa inen ngê sé ska fla?" Jizu kuki inen: "Yoxi! maji nansê naxi lê fá: Ni boka di inen mina pikina ku anzu mama ka xê louvor ku bwa fá?" <sup>17</sup>Anton Jizu desa inen xê di posón bá betânia passa notxi nala. <sup>18</sup>Plama bili, ola ê bila ba posón. Ê xintxi fomi. <sup>19</sup>Ê bê uwâ pó di fiku bodó stlada, ê bê antê o pé dê, maji ê na bê nadaxi nê fá, fia tan. Ê flá pó: "Ozé ba wê bô na ka bilada kuméfá Ime daola pó figu suga." <sup>20</sup>Ola inen dixipulu bê kwa sé, inen babaka inen flá: "kamanda pó figu suga méda ola?" <sup>21</sup>Jizu kuji fadinen: "Kedévedeme ù ga flá nansê: xi nansê tэндê afé na duvida fá, nansê na ka fé tan kwa ku fé fedu pó sé di figu fá, maji nansê ka pó flá okê sé: Lanka i zuga dêntlu di omali i isé ka bi sa fédu. <sup>22</sup>Tudu kwa ku nansê ka kelê, piji ni lason, nansê ka lesêbê" <sup>23</sup>Ola ku Jizu lentla ni templu, inen saserdoxi ku inen ansion maxi plixizu di pôvô inen bi lêlê, ola ku ê tava ka xina, inen flá: "Kê podê bô ka fé inen kwa sé?" "kengê da bô pôdê sé?" <sup>24</sup>Jizu kuji fadinen: "Û te ka ka bi punta nansê, xi nansê kuji mu, di modu sé mé u ga bi flá nansê kê pôdê nga fé inen kwa sé." <sup>25</sup>Butismu di zón bi di anji? Di osé ô di omé? Inen ku inen kie ka flá: "Xi nón flá: Di osé, ê ka bi fada nón: kamanda nansê na kélê nê fá?" <sup>26</sup>Maxi, xi non flá: Dinén omé, sela non tê mendu pôvô, punda tudu inen ka bê zón mô ûwa plofêta" <sup>27</sup>Anton inen kuji Jizu inen flá: "Nón na sêbê fá." Ê témbetê fada inen: "Nê ami na ka bi flá nansê ku kê pôdê ami ska fé inen kwa sé fá" <sup>28</sup>Andeji mé kêkwa nansê kunda? ûwa omé tinha dôsu mina. Ê ba lêlê isé plumê flá: Mosu ê ba tlabá ozé ni vinha, <sup>29</sup>Mosu kuji flá: ami nas ka bé fá: maji sósósó ê muda opnion dê i bé. <sup>30</sup>Omé ba ôtlô mosu i flá kwá sé mé. Mosu sé kuji i flá: úga bé, sumu, maji ê na bé fá. <sup>31</sup>Kali dinen dôsu mosu fé vonté di pé? Inen flá: "Plumelú" Jizu fada inen: vedé vedé mé ù ga fa nansê inen kobladô di impostu ku inen plostituta ka bi lentla ni lênu di Dêsu zó nansê. <sup>32</sup>Punda zón bi nansê ni stlada di justisa, maji nansê na kelê nê fá. Antón inen ku ka kobla impostu i inen plostituta inen kélê. Maji nansê bê kwa sé nansê na lèpêndê nê na kélê nê fá. <sup>33</sup>Têmdê ûwa vésu: ûwa omé ta sên, ûwa donu di tela ku ximya ûwa vinha, pê úbwa ni vota dê, fé ûwa tánkí pa dumu uvas, fé ûwa tôli di vigia i lénda losa da inen lavladô di vinha sósósó ê ba ôtlô téla. <sup>34</sup>Olá ê xiga ni muson di koyé uva, ê manda ûwa dôsu selivi da inen sé ku ska toma konta di vinha di lêsêbê uva dê. <sup>35</sup>Maji inen lavladô di vinha pega inen selivi di donu, fili ûwa, inen mata ôtlô, dá ôtlô ku budu. <sup>36</sup>ûwa vê maxi, donu manda inen ôtlô selivi, maxi dôquê plumê vê. Andejimé inen lavladô di vinha tlata inen di moda sé mé. <sup>37</sup>Zó disé donu mandinen minda dê plópi, ka flá: Inen ka ba lispêta mina mu. <sup>38</sup>Maji óla inen lavladô di vinha inen bê mina, inen flá ni omé dinen: "Isé sa lédêlu. Bi bamu maté leda vinha" <sup>39</sup>Antón inen peké, zuké ba lua di vinha inen maté. <sup>40</sup>Anton ola sun di vinha ka bi, kêkwa ku aka fé inen lavladô di vinha? <sup>41</sup>Inen ngê fadé: "Ê ka kaba ku inen omé sé ku na bwa fá di modu maxi glósu i ê ka bi lenda vinha da inen ôtlô lavladô, ku ka bi tanda patxi dê ni muson di kôyê" <sup>42</sup>Jizu fadinen: "Nansê naxi lê ni sklilitula: Budu ku inen konstlutor zéta bila budu di kantu. Isé bi di Sun ê sa kwa glavi ni wê non?" <sup>43</sup>Plutantu Uga flá nansê: Lênu di Dêsu ka bi sa txiladu di nansê ka bi sa tandadu da uwa nason ku ka dá kumê. <sup>44</sup>I ngê ku ka kiê liba budu sé ka bi sá kébladú ni pedasu. Maji isé ku budu ka bi kiê nê, isé ka bi sa potádu <sup>45</sup>Óla inen saserdoxi ku inen falizeu maxi plixizu tэндê inen vesu dê inen sêbê kuma ê tava ka flá da inen. <sup>46</sup>Inen ta ka buka modu malé, maji inen tava ku mendu pôvô punda tudu ngê tava ka bêlê mó uwâ plofeta.

## 22

<sup>1</sup>Jizu bila kuji ni vésu flá. <sup>2</sup>Lênu di osé sá mó ûwa alê ku fé ûwa fésa di kazamentu da mina dê, <sup>3</sup>Ê manda selivi dê bá sama inen sé ku inen tava kunvida pla fésa di kazamentu, maji inen nata ka mêsê bi fá. <sup>4</sup>Alê bila manda inen ôtlô selivi, flá: fada inensé ku sa kunvidadu: pia, û plivini ûwa jantar, inen bwê mu inen bisu mu gôfô sá metxi zá, i tudaxi sá plóntu. Bi fésa di kazamentu. <sup>5</sup>Maji inen na da ténson fá inen bá: ûwa pla kampu dê, ôtlô bá inen nógóxó dê: Vi <sup>6</sup>I inen ôtlô péga inen sé livi di alê, tláta nón mali munu i mata inen, <sup>7</sup>Alê fika ku léva, soku ê manda inen sódé dê, inen mata inen sé kliminósos bila dá posón dinen fôgô. <sup>8</sup>Antón ê flá inen selivi dê: Fésa di kasamentu sá plontu zá, maji inen sé ku fô konvidadu inen na toka fésa fá. <sup>9</sup>Plutantu ba bóda bóda di stlada ixi ku nansê ka bê kunvida inen pla fésa di kazamentu. <sup>10</sup>Inen selivi xê bá stlada inen zunta tudaxi ku inen bê, ixi ku bwa mó ixi ku na bwa fá. Antón salón fita xá di kunvidadu <sup>11</sup>Maji ola alê lentá pêpô pia inen kunvidadu, ê bê ûwa omé ku na tava ku lôpa di kazamentu fá. <sup>12</sup>ê fadé: migwê, kuma bô lentla nai sê lôpa di kazamentu? Omé na kuji fá. <sup>13</sup>Antón alê flá inen selivi: nalá mon ku opé di omé sé zuké ni lua kulu, anji sóla ku dêntxi kumé ka bi sên: <sup>14</sup>Punda samadu sa ûwadata, maji pòkô sa kôydu. <sup>15</sup>Antón inen fálizeu bé taka goló kuma ku inen ka pô péga Jizu ni plópi fala dê. <sup>16</sup>Inen mandá inen dixipulu dê zuntu ku inen herodianu. Inen flá Jizu: Mésé, nón sêbê ku bê sá vedé i bô ka xina stlada di Dêsu ni vedé i bô na ka fé distinson di ngê fá. <sup>17</sup>Antón fada nón kékwa ku ka pô sá? ê sa setu paga impostu da sezá ô non? <sup>18</sup>ê bi sêbê mali dinen, Jizu fada inen: Kamanda ska testa ami, inen finjidu? <sup>19</sup>Nusa û jêlu di imposto. Antón inen bi ku ûwa dénariu. <sup>20</sup>Jizu fada inen: "Di kêngê sa fêgula sé ku nomi sé?" <sup>21</sup>Inen fadé: "Di séza!". Antón Jizu fada inen: "Dá sézá kwa ku sá di sézá, i dá Dêsu kwa ku sa di Dêsu!" <sup>22</sup>Ola inen tendê kwa sé inen gôgô lumadu, inen desé bé dinen. <sup>23</sup>Ni dja sé, inen bá saduseu bá lêlê, ka flá lêsulêson n sên fá, inen punté <sup>24</sup>ka flá: "Mese, mozé flá: Xi uwa omé molê na tê mina fá, manu dê toka kaza ku mwala dê i tê uwa mina pla manu dê." <sup>25</sup>Sété manu tava sên. Antón plumê kaza molê, sê mina, désa mwala dê pla manu dê. <sup>26</sup>Di modu sé mé, sêgundu, tlišêlu i antê seté. <sup>27</sup>Sósósó di tudu inen sé, mwala ten molê. <sup>28</sup>Miolê ni lêsulêson, di kali dinen sété manu ê ka bi toma? Punda tudu inen tava kuê. <sup>29</sup>Antón Jizu kuji inen: "Nansê na sa setu fá, punda nansê na konsê sklitula nê pôdê di Dêsu. <sup>30</sup>Maji ni lêsulêson inen na ka kaza fá nê inen na ka dá ni kazamentu fá. Ni tudu kwa sé, inen ka sa mó anzu ni osé" <sup>31</sup>Maji, ni kwa di lêsulêson dinen motxi, nansê na lê kwaxi ku fô fladu plô Dêsu: <sup>32</sup>Ami sa Dêsu de Ablón, Dêsu di Izaqui i Dêsu di Jakó? Dêsu na sa Dêsu di inen motxi fá, Maji dinen vivu! <sup>33</sup>Ola inen pôvô têndê kwa sé, inen gôgô lumadu ku xino dê <sup>34</sup>Maji óla inen fálizeu têndê ku Jizu fé inen saduseu kaboká, inen zunta. <sup>35</sup>Uwa dinen, Uwa dôtólô di alé Plapá Jizu flá: <sup>36</sup>Mesé, Kali mandamentu sa maxi tomé di alé?" <sup>37</sup>Jizu fadé: "Ama Sun Dêsu bô di tudu klosón bô, ku tudu alima bô ku tudu méntxi bô, <sup>38</sup>Isé sa maxi tamé i plumêlu mandamentu. <sup>39</sup>I segundu mandamentu sá, axén mé mó isé: Bô ka bi ama ploximo bô mó bômé. <sup>40</sup>Dinen Dôsu mandamentu sé ka dêpendê di tudu alê ku inen plofeta. <sup>41</sup>Olá inen falizeu tava zuntadu antaó, Jizu punta inen, flá: <sup>42</sup>Kékwa nansê ka kunda di Klistu? Di kêngê kuê sá mina?. Inen fadé: "Mina di Davi" <sup>43</sup>Jizu fada Inen: Antón kuma Davi, ni suplitu, ka sama Sumu, ka flá: <sup>44</sup>Sun flá da Sumu. Táson ni glêtu mu, antê kunga pê inen numigu bô ni basu di afé bô. <sup>45</sup>Xi Davi, sama Klistu "Sun", kuma ê ka po sa mina di Davi? <sup>46</sup>Nyuã ngê na kujiê ûwa palavla fá, Di dja sé bá wê nyuã omé na atrivi punté fá.

**23** <sup>123</sup>1 Ante Jizu bili boka fada pôvô ku inen dixipulu dê, 2 Ê fla: Inen sklibu ku inen falizeu sa tasondu ni ka dela Muzé. 3 Andê jime fe lôkle kwa inen ka manda. Maji, na lêlê inen fa, inen ka fla maji na ka fe fa. <sup>45</sup>4 Axem, inen ka pê fadu pizadu di kloga, ligê fê oublla dinen omen. Maji inen me na ka môvê uma dedu di klage fa. 5 Inen ka fe tudu kwa pa ome pya inen, a ka omenta xinta dinen bila sêndê vistidu. <sup>67</sup>6 Inen ka gosta di plumê luge ni fesa bila gôgô ku plumê kodêla ni xinagoga. 7 Ka mantxa di poji ni plasa andêjime pa pôvo bila sama inen di mesé. <sup>8910</sup>8 Maji nansê na toka sa samadu de Rabi' fa punda nansê tê uwa mese tan, nanse tudaxi sa manu. Na sama mina ngê ni toda de pe nansê fou nansê tê uwa Pe tan, ê sa ni oxé. 10 Na bisa samada mesé fa pa nansê uwa Mese ta só sem, Klistu. <sup>1112</sup>11 Maji ixi ku sa plixizu ni ômê nansê ka bi sa selive nansê. 12 Ngê ka toma petu lala ka bi umilya, njê ka umilya ka bi batê petu. <sup>131415</sup>13 Maji ai di nansê inen skliba ka falizêu, finjidu! Nansê ku fisa sena do se da inen ome. Nansê na lentla nê ska desa ôtlô lentla fo. 14 Ai di nansê inen skliba ku falizêu, finjidu, ku ka splora ke dinen viuva zaó di fe lason lóngô. Andê jime nansê ka bi tê kondenson maxi pizadu. 15 Ai di nansê, inê skliba ku flizêu finjidu! A ka ledja omali ku tela pa fe uwa plozelitu. Ola a ka fe a ka bila dôsu vê mina ufenu dê kê nansê. <sup>1617</sup>16 Ai di nansê, gya, ku ka fla: Ngê ka zula pô santuariu, ê na valê fá, maji ngê ka jula pô ôlô di santuariu, tê obligason ku zulamentu dê. 17 Cegu sê sintxidú! kwali sa maxi tame, ôlô ô santurio ku ka santifika ôlô? <sup>1819</sup>18 Ngê ka zula pê atali ê na valê fe. Maji ngê zula pê afleta ku sa mê, ê tê obligason ku zulamentu dê. 19 Cegu! kwali sa maxi tamé, ofleta ô atali ku ka konsagla ofleta? <sup>202122</sup>20 Andê jime ngê ka zula pê atali ka zula dé ku tudu kwa ku sa liba dê. 21 Ngê ka zula pê santuariu, ka zula de ku ngê ku ka tá mê . 22 Ngê ka zula da ose, ka zula pô tlónu Dêsu ku ngê ku sa nê ta sonou. <sup>2324</sup>23 Ai di nansê, inen skliba ku falizeu, finjidu! A ka da dizimu di otelan di endlo ku kumunhu, maji a desa kwa maxi plixizu di Alê Justisa, mixikoji ku afé. Maji a toka fe inen kwa sé sê desa ôtlô. 24 Inen gya segu, ku kwa muxikitu, maji nguli kamêlu. <sup>2625</sup>25 Ai de nansê, inen skliba ku falizeu finjidu! A ka limpa lwa di kopu ku platu, Maji ngletu sa xa di violensia ku ngana. 26 Falizeu segu limpa nglôtu kopu ku platu plumê pa lwa tembete fika limpu. <sup>2728</sup>27 Ai di nansê skliba ku falizêu fingidu! Nansê sa mo zazigu kayadu ku lwa sa glavi maji nglêntu sa xa suzu ku oso motxi. 28 Di modu se me nansê ka kô justu ni wê ome, maji nglêntu sa xa di fimentu ku mali. <sup>293031</sup>29 Ai di nansê skliba ku falizeu finjidu! A ka fe zazigu gleva da inenlu fofeta zaó pinta tumba dinen justu ben lumadu. 30 Zaó ka fla: xi non ka ta vivu ni dja di inen pe non, non na ka toma patxi di sangi dinen plofeta fa. 31 Andê jime nansê sa sestemunhu kontla nansê me di sa mina dinen se ku mata inen plofeta. <sup>3233</sup>32 Nansê kompleta mindjida enen pe nansê . 33 Koblo, lasa koblo, kuma a skapa kondenson di

nfenu.<sup>343536</sup> 34 Anta ó pya, ami manda inen plofeta da nansê sebêdô inen skliba. uwa dosu a mata bila kla sifika, ôtlô a dá sôtxi ni xinagoga nansê bila plixigi ni poson ba poson, 35 Tudu sangi justu blokadu pê tala ka bi kyê liba nansê, djina sangi abelu, justu, antê Zakaria, mosu Barakias ku a mata zuntu santuario ku atali. 36 Vedemé nga fla nansê: Tudu inen kwa se ska bi liba zelason se.<sup>373839</sup> 37 Jeluzasém, Jeluzalém, ku matainen plofeta bila zuga ku budu inen xi ku a manda da bô! Kantu vé ami ta mêsê zunta inen mina bô, mo nganha ka junta pinta dê ni basu aza, maji bô na mêsê fa! 38 Pya ké nansê ka sa mo kample azetô. 39 Nga fada nansê, myolê a na ka bem fa antê a ka bi fla: Benditu ise ku ska bi ni nomi Sum.

24<sup>12</sup> 1 Jizu xê ni templu, ê ska nda, ola inen dixipulu Dê bi petu Dê di muse inen konstruson de templu. 2 Magi Ê kuji fla: A ska bê tudu inen kwase? Vêdê mê nga fada nansê: niwa budu na ka bita liba ôtlô budu sê bluguna fa.<sup>345</sup> 3 Anton Jizu tanson ni ôkê di Ôkê di Ôlivêra, inen dixipulu be zuntu Dê patadu fadê: Fada non, ké ola inen kwa se ska bi dá? Kê xinali sa ola sun sa di bi ku ola tempu sa ska bi kaba?" 4 Jizu kiji fadinen: toma stenson pa niwa ngê na ngana nansê fa. 5 Punda yô nge sa di bi ni nomi Mu fla: ami sa Klistu, inen ska bi ngana ngê mantu.<sup>786</sup> Aska bi têndê fla de gera vum vum vum di gere; no vungunu fa, punda sela inen kwa se dé; maji tempu na xi kaba fa. 7 Nason ska bi lanta kontla nason lênu kontla lênu. Fomi ka bi plasê yô luge ku tela ka bi têmê. 8 Maji inen kwa se sa komes di dôlô patu tan.<sup>910119</sup> 9 A ska bi pê nansê pesa tlebulason bila mata nansê, tudu nason ka bi tê adja nansê plôvya nomi Mu. 10 A ka bi sa tlubula, bila fe tlapasa uwa ku ôtlô. Tê odjo uwa ku ôtlô. 11 Iô fasu plofeta ska bi lanta di ngana pôvô.<sup>121314</sup> 12 Mo máli ka bi omenta, amôlê di ngê ka bi fia. 13 Maji ixi ku mundja flimi antê ê ka kaba ka bi stlava. 14 Vangeli se di lênu ka bi sa plegadu tudu mundu no sêstêmunha pa tudu nason anton, tudu kwa ka bi kaba.<sup>15161718</sup> 15 Ola a ka bê máli ku sufli ku plofeta Danieli fa, ni luge santu (ixi ku lê ka sêbê). 16 ngê ni Judeia ka kôlê ba ôkê. 17 ixi ku sa ni terasu na ka dêsê di toma kwa ni kê dê fa. 18 Ixi ka sa kampu nê mo bila di toma lôpa fa.<sup>19202122</sup> 19 Maji ai di mwa bega ku ixi ku tê anzu mana ni dja se! 20 Fla lason pa fuga nansê na da ni invenu, ô sabadu. 21 Punda meme tlubulason ka bi plasê, ku djina mundu sen ê na xi plasê fa antê myolê, ôtlô na ka bila bi mo ise fa. 22 xi inen dja se na ka brevia fo niwa ngê na ka stlava fa, maji plôvya inen ku a keyê, anten inen dja se ka bisa breviadu.<sup>232425</sup> 23 Xi kwa kwali bi fada nansê: Klistu sa i! ô Ê sa la! Na kêlê fa. 24 Punda yô fasu Klistu ku yô plofeta fasu ka bi plasê di plezentameme xinali ku kwa glave de ngana, xi ê da antê nê inen kôidu. 25 Ami ska viza nansê.<sup>262728</sup> 26 Anton xi a fada nansê, Ê sa ni kanpu azê tô, na be fa, o Ê sa ni nglêntu ke, na kêlê fa. 27 Punda axem mo mymya ka xê ni orienti luji antê osidenti, axen sa ola Mina Ome sa di bi. 28 Kamyá tê motxi, nai inen abutli ka zunta nê.<sup>29</sup> 29 Axem ku tlubulason dinen dja se ka vala, solo ka bibila kula, nwa ka mundja di luji, inen stlela dese ka ba kyê, inen pôdê di ose ka bi djinja.<sup>3031</sup> 30 Anton xinali di Mina Ome ka bi plasê ni ose, tudu tlibu di tela ka bi lamenta ka bê Mina Ome ka bi ni liba nuve di ose ku pôdê ku gloya glandji. 31 Ê ka manda inen anzu Dê ku tlementu glandji di tlembêta, inen sa di zunta inen koidu ni kwatlu kantu de tela, di uwa kwatu d'ose ba ôtlô.<sup>3233</sup> 32 Xina ka vesu di figela: Ola inen manga dê ka tê fôse di da fya novu, a sêbê kuma tempun kentxi ska xiga, 33 axem tembete, ola a ke bê tudu inen kwa se a toka sêbê kuma<sup>3435</sup> 34 Vedeme nga fada nansê kuma zelason se na ka vala, se pa tudu inen kwa se dá fa. 35 Ose ka tela ka vala, maji palavra Mu ino ê na ka vala fa.<sup>36</sup> 36 Maji sôbli dja se ku ola dê, niwa ngê na sebe fa nê anzu dôse, nê Mina ma Pe tangana.<sup>373839</sup> 37 Axen mo dja di Nué fô tembete ka bi sa ni dja ku Mina Ome sa di bi. 38 Ni dja se antiji di dilúvyu, inen tava ka kume, ka bêbê, ka kaza bila da ni kazamentu, entê dja ku Nué lentla arka, 39 Inen na dá konta fa, antê diluvyuu bi bé ku inen tudaxi. axem ka bi sa ola Mina Ome sa di bi.<sup>404142</sup> 40 Dôsu ame ka bi ta ni kanpu, uwa sa ka bé ôtlô a ka desa. 41 Dôsu mwala ka bi ta ni molado ka poto, uwa a ka bi toma, ôtlô a ka desa. 42 Andê jime vija, a na sêbê kê dja sun nansê ska bi fa.<sup>4344</sup> 43 Maji pya kwa se: xi donu ke ka sêbê kê ola ladlon ska bi, ê ka sa plivini du pa ke dê na sa kebladu fa. 44 Axen tembete, sela nansê plivini, punda Mina Ome ska bi ni ola ku nansê na pensa fa.<sup>454647</sup> 45 Axen, ngê sa selivi sêbêdô, ku donu dê lege konta di inen stlindô dê, pê olá inen kume ni tempu setu? Selivi se ka tê benson ola donu dê ka xiga bêlê ka fe kwa se. 47 Vede ne Ami ka fada nansê: donu dê ka bi pê ni liba di tudu kwa ku ê tê.<sup>48495051</sup> 48 Maji xi selivi fla: Sumu ska toda: 49 Anton kyê ka da ôtlô selivi pankada, ka kume ka bêbê ka inen bebedadu, 50 Anton sum di selivi se ka bi ni dja ku ê na kwada fa, ne ni ola ku ê na sêbê fa, 51 ê ka kota selive se pedasu bila de distinu se me ku inen finjidu, nai a ka bi sola kume dentxi.

25<sup>1234</sup> 1 Anton Lenu di Osê ka bi sa mô dêxi mwala ku naxi toka ome fa ku toma kandja dine bê ba lêlê noivo. 2 Xinko dine na tinha sebê fa otlo xinko dê tinha sebê. 3 Ola ine xinko ku na tinha sebe pega kandja dine, ine na bê ku zetê ku inen fa. 4 Maji ine xinko ku tinha sebê bi ku uwa kua ku zete né ku kandja.<sup>56</sup> 5 Noivo tava ka demora, sonu toma tudu ini zo inen dumini. 6 Maji madlugadu, a kuta uwa glitu: "Noivo xiga! Bé ba lêlê."<sup>897</sup> 7 Anton tudu iné mwala ku naxi toka ome lanta zunta kandja dine. 8 Isê ku na tê kabesa bwuadu fa fada ine ku te sebe: "Danó piquina zete di nansê punda kanja nó ska paga." 9 Maji ini ku té sebe kuji, zó fla: "No na ka pó fe kwua sefa, zete na sa monthe da tudu nó fa, bê ba lêlê nguê ku ska bendê zete zo komplá da nansê."<sup>10111213</sup> 10 Ola ine ba komplá, Noivo xiga, zo ise ku tava plepaladu bé ku Noivo da fessa de casamento anton poto fixa. 11 Otlu mwala ku na te sebe xiga zo fla: "Sumuê, Sumuê, bili poto da no. 12 Maji Ê kuji zo fla: "vêdê vêdê mê uga fla nansê kuma ami na konsê nansê fa." 13 Anton vijia, punda nansê na sebe dja ne ola fa.<sup>141516</sup> 14 Punda ka bi sa mô uwa homem ola ê tava ka bé otlo tela, sama ine seluvu dê zo pe ini ka toma konta de tudu kwua ku ê tê. 15 Uwa dê ê dê xinku talentu, otlô ê dê dôssu, otlô ê dê uwa talentu- kada uwa de modo ku kwa ku ê sêbê fe, zo ê bê viaja. 16 Ola sê mê, ise ku lesebe xinku talentu bê ba fe negoxo zo ê consegui otlo xinku talentu.<sup>1718</sup> 17 Modo se mê, ise ku lesebe dossu talentu consegui otlo dossu talentu. 18 Maji seluvu ku lesebe uwa talentu be dê, bili uwa bluaku ni son kondê gelu de sun dê.<sup>192021</sup> 19 Tempu vala, sun di seluvu se bi zo fe konta ku inen. 20 Seluvu ku lesebê xinku talentu bi zo bi ku maxi xinko; Ê fla: "Sumu, sun da mu xinko talento. Piwa nai tê maxi xinku talento." 21 Sun dê fla: "kua buwadu, seluvu

buwadu e fieli! bô fô fieli ni kwa poko, anton ni yô kwa nga pé bó. <sup>2223</sup>22 Olto seluvu ku lesebé dossu talentu ploxima zo fá: " Sumu, sun damu dossu talentos. Pya nai magi dosso talentos." 23 Sun dê fadê: Buadu, seluvu buadu e fieli!. Lentla ni goso di sun bó. <sup>2425</sup>24 Anton seluvu ku lecebe uwa talentu fla:" Sumuê, un sebe kuma sun sa rigoroso; ka koiê angê sun na shimia; ka zunta angê sun na blaga. 25 Un tava ku mendu, anton un bé zo un kondê ni tela talentu sun. Toma kwa ku sa de sun. <sup>2726</sup>Maji sumu dê kugi, zo fla:" Seluvu malvadu e plegisozu, bo tava sebe kuma un ka koiê ange na simiafa mo un ga junta ange na blaga. 27 Anton, ka manda bo na toka gelu mu nywa banco fa, zo ola ungabi un ga lesebe ku julu. <sup>282930</sup>28 Anton, tila talentu dê da isse ku dexi talentus. 29 Punda tudu gê ku té maxi ka bi lesebe- ka té uwa monthê. Maji isse ku na té nada xi fa, antê kua ku è té ka bissa tiladu. 30 Zuga seluvu buta ku na ka da nada xifa, ni tleva. Nai ka bi té sola ku ranger di denti. <sup>313233</sup>31 Ola mina di Homé kabi ni gloia dê ku tudu anjo kuê, Anton è ka bi tasyon ni gloioso tlonu Dê. 32 Petu Dê ka sa zuntu tudu nason, è ka bi sepala ugê uwa di outlo. 33 Ê ka bi pé ovelhas ni mon dê dletu, maji boji ni mon dê esquedu. <sup>343536</sup>34 Anton sun Alê ka bi fla tudu gê ku sa ni mon dê diletu:" bi, benditu di pé muê, toma lenu ku fo plepaladu da nansê gina komeso di mundu. 35 Punda un tava ku fomi bô damu kumê; un tava ku segi bo damu auwa; un tava ni luã bó koiê mu; 36 Un tava se lopa bó damu; un tava duentli bó kulamu; un tava ni kaja bo mi piamu". <sup>37383940</sup>37 Anton ine justu kuji, fla:" Sumu, kêja ku no bé Sun ku fomi, ku no da Sun comê? Ó ku seji ku no da Sun auwa de bebe? 38 E ki ola ku no bé Sun ni luã ku nó koiê Sun? ó sê lopa ku nón bixi Sun? 39 Ku no bé Sun duenti ni plizon ku nón ba vizita Sun?" 40 Zó Alê ka bi kuji:" vêdê vêdê mê un ja fla nansê kuma, kwa ku nansê fe da uwa maxibin manu muê, nansê fe damu". <sup>424341</sup>Anton Ê ka bi fla nguê ku sa ni mon dê eskedu:" Fô juntu di ami, nansê malvadu, ba fogo eterno ku fô plepaladu da diabu ku iné anjos dê, 42 Punda un tava ku fomi nansê na damu comê fa, punda un tava ku seji de agua nansê na damu agua fá; 43 un tava ni luã nansê na koiê mu fa; un tava sé lopa nansê na bixi mu fa; un tava dentli ni kaja nansê na ba pia mu fa". <sup>444546</sup>44 Anton inen tenbetê ka bi kuji, zo fla:" Sumu, ki ola ku non bé Sun ku fomi, ku seji, ni luã, duentli, ni kaja ku non na stlivi Sun? 45 Anton Ê ka bi kuji: "vêdê vêdê mê Un ga fla nansê, kuã ku nansê na fe da uwa di maxibin sê, sa Ami ku nansê na fefa." 46 Ine sé ka ba kastigo eterno, maji ine justu pla vida eterna.

## 26

<sup>1</sup>Ê da kwa ku, ola Jizu kaba di da tudu inen palavla se, è fadinen dixipulu: <sup>2</sup>Sêbê kuma è feta dosu ja da paskua soso mina di Ómé ka bi sa tlegadu pe è sa klusifikadu.<sup>3</sup>Anton inen plinxipali sasedotxi ku inen ansion di povô zunta ni palaxu di sumu sasedotxi, ku ka sama kaifa. <sup>4</sup>Ni stlezedu, inen zula di mala Jizu pa mat'e. <sup>5</sup>Inen flá: Ni fesa fa pe pôvô na lavoso.<sup>6</sup>Jizu tani betânia, ni kê di simon, leplôzu. <sup>7</sup>Ola a tava ni meza, uã mwala bi lelê ku uã dodoma owa selu ku balsamu ku ke valê uã data, bloke ni liba kabesa Dê. <sup>8</sup>Maji ola inen dixipulu bê kwase inen vólô flá: Kyê lazen di dana kwase? <sup>9</sup>Balsamu se toka sa bendidu plo bon plesu zo patxi poblí.<sup>10</sup>Maji Jizu sebidu dinen kwasê fadinen: Kamanda a ka petuba mwala se da? ie fe uã obla bwadu da mu. <sup>11</sup>poblí semple nansê te ku nansê, maji ami na semple fa.<sup>12</sup>Punda ola è bloka basamu pê klôpô mu, è fê da ntelu mu. <sup>13</sup>Vede me ami nga fla nansê, kanya ku nvenjeli fo plegadu kwa ku mwala sé fé ka bi sa kontadu da lemblansa dê.<sup>14</sup>Anton, uã dinen dozê ku, a sama zuda iskarioté, ba lêlê inen plinxipali sasedotxi. <sup>15</sup>fadinen: kê kwa nansê ka bi damu xi u tandê da nansê?. Inen pega tlêxi dexi mueda di plata dê. <sup>16</sup>Jina ola se ba wê, è tava ka golo uã modu è tlega Jizu.<sup>17</sup>Ni plumê dja di npon se flomentu, inen dixipulu bi lêlê Jizu fade: Andeji a mese pa non plepala kume de paskua né? <sup>18</sup>Ê flá: A ba poson, ba lêlê setu ome fade, mese fla: Ola mu ska xiga ami nga bi selebla paskua ni ke bô ku inen dixipulu mu. <sup>19</sup>Inen dixipulu fe mo Jizu fada inen plepala kume di Paskua.<sup>20</sup>Ola notxi xiga, è tason pa è kume ku inen dixipulu dê. <sup>21</sup>Ola inen tava kume, è fadinen: vede me ami nga fada nansê kuma uã nansê ka tlai mu. <sup>22</sup>Inen fika tlisté muntu, koda uã ka punta Jizu: Sumuê na sa ami fa?<sup>23</sup>Ê kuji: Ixi ku pê mon ni platu ku ami, ise ka bi tlai mu. <sup>24</sup>Mina di Home ka bi mólê, mo è sa sklividu. <sup>25</sup>Maji ai di ngê se pla kengê Mina di Home sa tlaidu! Milho è naka te nansê fa. Zuda ku tava pô tlai y è, fla: Mesê è, è s'ami? Ê kuji: Bô Flê.<sup>26</sup>Ola a tava ke kume, Jizu toma npo da glasa, kebla zo patxi da inen dixipulu fla: a toma, kumê. Ise sa klopo mu.<sup>27</sup>Anton è toma klupu di vin da glasa da inen fla: a bêbê tudaxi. <sup>28</sup>Punda ise sa sangi mu, sangi di aliansa, ku sa blokadu plo yon pa pedon dinene pekadu. <sup>29</sup>Maji nga fada nansê kuma ami na ka bila bêbê flutu vidêla se fa, antê ôtlô vê ku nomê ni govenu pe Mu.<sup>30</sup>Depôs di konta uã vungu, a xê ba ôkê di oliveira. <sup>31</sup>Anton Jizu fadinen notxi se tudu nansê ka zanima plovía mu, punda è sa sklevidu: ami nga bi fili pastor inen ovelha di lebanhu kabisa wangadu. <sup>32</sup>Maji ola nga koda, ngê be ni wê nansê ba galileia.<sup>33</sup>Pedu fade: Anta wo ku tudu ngê ka zanima plovía bô ami na ka zanima fa. <sup>34</sup>Jizu fade: Vede me nga fla bô, kuma notxi se antiji me pa zalu konta, bo ka negamu tlêxi vê. <sup>35</sup>Pedu kuji è: Ê po sa ni motxi naka nega, Sum fa: Inen tudaxi fla kwase me.<sup>36</sup>Anton jizu be ku inen uã luge samadu getsemani sa fada inen: tason nain ami ska ba fla lason. <sup>37</sup>Ê be ku Pedu inen dosu mosu de Zêbêdêu è ta tlisté ku anxa. <sup>38</sup>Anton è fada inen: Alima mu sa xa tlisteza antê montxi. Munga nain vija ku ami.<sup>39</sup>Ê da uã dosu pasu. Kleba dizê peson, fe lason è fla: Pe muê xi è ka da txila katsi se xê fô mu. Andeji-me na fe vonte mu fa maji mo sum mêsê. <sup>40</sup>E bé lêlê inen dixipulu è be inen ka dumini, è fada Pedu: Bô na ka pô vigia ku ami plô uã ola fa? <sup>41</sup>A vigia fe lason pa na lentla ni tentason suplítu sa plontu maji kani sa flaku.<sup>42</sup>Ê bila fasta segundu vê ba fla lason fla: Pe mu è, xi è nada di vala sê pa ami bêbê fa. Fê vonte Sum. <sup>43</sup>Ê bila ôtlô vê è bê inen ka dumini, punda vê dinen tava pezadu. <sup>44</sup>Anton è desa inen bila fasta ba fla lason plô tlêselu vê ka fla kwa se me. <sup>45</sup>Sóso, Jizu bi lêlê inen dixipulu fada inen: Oska duminu ka toma pozú anta wô? pya, ola ska pôzê za. Mina d'ome kaba sa tlegadu ni mon dinen pekadó. <sup>46</sup>A lanta bamu non. Tlaido saska pôzê za.<sup>47</sup>Se pa boka fia Jizu, Zuda uã dine dozê zuntadu ku uã mansa pôvô, bidu de patxi dinen plinxipali sasedotxi kuansion di pôvô, bi ku supada ku valapo, <sup>48</sup>Omeka ta sa di tlaxi Jizu da inen uã xinbli fla: Ixi ku ami ka beza sa êlê. Male.<sup>49</sup>Meda ola è balêlê Jizu flá. Mese Ê stlava zo benze. <sup>50</sup>Jizu fade: Miga, fe kwa ku ba bi fe: Antón inen poji lansa mon pe liba Jizu male.<sup>51</sup>Soso uã dinen ku tava ku Jizu sêndê mon,

soya supada, fili selivi di sumu sasedotxi, kote alia.<sup>52</sup> So Jizu fade pê supado ni luge dê, punda tudu ngê ku ka tê supadu ka mólê ni supádu.<sup>53</sup> No pensa Kuma xi amé pô klama da pe mu, ê ka mandu maxi di deje lejon de anzu d'ose fa?<sup>54</sup> Maji anton, kuma sklitula ka kumpli, xi kwase ku ê na da fa?<sup>55</sup> Né ola sala, Jizu fada povo: A bi ku supada kupo po mala mo uã ladlon? Ami tava tason du ni templu simple a na mala mu fa.<sup>56</sup> Maji tudu kwase da pa sklitula dime plofeta kumplié, êlê me tudu dixipulu desa Jizu so Fuji.<sup>57</sup> Inen ngê se ku mala Jizu be ku ê da kaifas, Sumu sasedotxi and Ji sklevedo livlu ku inen ansion tava zuntadu.<sup>58</sup> Maji pedi tava lonpe ka lelé Jizu anté pátiu di sumu sasedotxi. Lentla ku inen guáda pa é pya kabamentu<sup>59</sup> Inen plixipali sasedotxi ku tudu sinédliu ta ka golo uã sestêmunha, fasu kontla Jizu pa pô lavla pena di motxi pe liba de.<sup>60</sup> Ku tudu fasu sestemunha ku lanta kontle inen, no bê nyuã fa. Maji inen be dosu.<sup>61</sup> Fla: Ome se fla: Ê ka pô blaga templu di Desu zo fê ni tlexi dja<sup>62</sup> Sumu sasedotxi lanta sa fada Jizu: Bô natê lisposta fa? kê kwa sa kwase ku aska sestemunha kontla bô?<sup>63</sup> Jizu na bili boka fa. Sumu sasedotxi fadê: Ami nga da bô odji plô desu vivu, fada-non xi sa klistu, Mina Desu.<sup>64</sup> Jizu kuji ê: Bo so flé. Maji nga fada bô kuma Jina Oze ba wê bo ka bi bê mina di Ome tasondu ni glêtu di tudu podê, ka bi ni nuve d'osé<sup>65</sup> Anton sumu sasedotxi fla: Va lopa dê é Êska fla blasfêmia! Kamanda Anta wo non plixiza de sestemunho da? A têndê blasfêmia.<sup>66</sup> Ke kwa ku aska pensa? Inen Kuji: Ê sa dignu di Motxi<sup>67</sup> Inen buta Kuji pe kala Dê, de ku kwa sa bafeton,<sup>68</sup> Fla: Plofetziza, da non kengê da Bô ku kwa?<sup>69</sup> Pedu tava tason du ni kwatu lwa ni pátin uã kiyada be êlê fade: No tambéte tava ku Jizu di galileia.<sup>70</sup> Maji é mintxi la ni wê tudu ngê fla: Ami na sêbê kwa ku bô ska fla fo<sup>71</sup> Ola é xê ba poto ngladji, ôtlô mioda bêlê fada inense ku tava nala: Ise tembête tava ku Jizu di Nazare.<sup>72</sup> Soso é nega ôtlô vê zula ami na konsê ome se fa.<sup>73</sup> Ê te pôkô, inen ngê xi ku tava nala bi fada Pedu: Non tede setu kuma bô tembete sa uã dinen punda modu bô di fla ka kexa bô.<sup>74</sup> Anton é kye ka zula ka maldisua: Ami na konsê omé sé. Meda ola galu kanta.<sup>75</sup> Pedu lembla di palavla ku Jizu ta fade: Anteji pa galu kanta, bô ka bi nega mu tlexi vê. Anton é xê ba lwa ba sola ku dôlô

## 27

<sup>1</sup>Ola plama bili, tudu inén sasedotxi ku ansion maxi plixizu di pôvô fe tlapassa contla Jizu, pla inén pô maté. <sup>2</sup>Ola á malé Sum a bé ku Sum tanda Pilatus, govenadô. <sup>3</sup>Anton Zuda, ku ta tlaí Jizu, bêdu ku Jizu fô kondenadu fika xa remosu, é bila bé ku tlinta mueda di plata da inén plinxipal sasedotxi i ansion; <sup>4</sup>ê fla: "Un peka, tlaí sangue nôsêntxi." Maji inen fla: "Nom na ka pota fa? I sé sa ku bô." <sup>5</sup>Sósósó, é zuga inen ku mueda di plata ni templu, xê ba flóka. <sup>6</sup>Inen sasedotxi maxi lixisu toma mueda di plata fla: "é na sa bua di zunté ku di ofeta fa, punda é sa plesu di sangui." <sup>7</sup>Inen diskutxi assuntu zuntu, ku ku djêlu sê, inen koplá kampu djêlu di ntélá stlangêlu. <sup>8</sup>Ele manda mé anté djá dózé a ka sama kampu sé kampu di sangi.<sup>9</sup> Sósósó, kwa ku Jêlemia ta ka fla é kumpli: "Inen péga tlinta muéda sê di plata, plésu ku Ê ta valia plu pôvô di Israel; <sup>10</sup>a dá isé plu kampu di olêlu, modu ku sum manda mu. <sup>11</sup>Ola Jizu tava ni wê di govenadô, é punté:" bô sa alé Zudê?" Jizu Kuji ê: "Bô só flá." <sup>12</sup>Maji ola Ê fô kusadu plô inen sasedotxi ku ansion maxi plixizu, Ê na kuji nada xi fa. <sup>13</sup>Anton Pilatu fadé: "Bô na têndê tudu akusason ku a fé Bô fa?" <sup>14</sup>Maxi Ê na kuji nê uã palavla fa, axen govenadô foka pantadu. <sup>15</sup>Govenadô sa kustumadu ni ômê fesa di txila uã plesu ni kajakoidu plô pôvô. <sup>16</sup>Ni munson sé inen tinha uã plésu ku inen ta kônsê, ku ka sama Barrabás. <sup>17</sup>Ola, inen tudaxi ta zuntadu, Pilatufla inen: "Kê ngê ku nansê mêsê pan pô sotá?" Barrabas ô Jizu, samadu klistu?" <sup>18</sup>Punda é sêbê kuma inen ta têndê plu inveja. <sup>19</sup>Ola é ta tasondu ni kê justisa, muala dê manda leka du flá: "Na buli ku justu sé fá; Ozé ni sonhu un suflí muntuplôvia dê. <sup>20</sup>Inen sasedotxi ku ansion maxi plixizu bila kabêsa pôvô di pigi Barrabas, mata Jizu. <sup>21</sup>Govenadô punta inen : Inen dôsô sé kali dinen ku nansê mêsê pam sotá? Inen fla: "Barrabas." <sup>22</sup>Pilatu fla inen: kê kwa ku nga fé ku Jizu, samadu Klistu? Tudú dinén kuji: Klusifiquê." <sup>23</sup>Ê fla: Kê mali Ê fê?" Maji inen glita ku maxi fôsa: "klusifiki." <sup>24</sup>Ola Pilatu bê kuma yô demanda ta ka komésa. é toma awa, laba mon ni wê di pôvô fla: "Un sa nosêntxi de sangui di ome sé, isé sa ku nansê." <sup>25</sup>Tudu pôvôfla: "Ku sangui Dê ka kiê liba nón ku inen mina nón." <sup>26</sup>Só só só, é sota Barrabas, maji da Jizu da Jizu sôtxi tlégué pê sa klusifikadu. <sup>27</sup>Só só só, sódé govenadô bé ku Jizu dentlu sala zunta tudu glupu sodé. <sup>28</sup>Inen txilé lôpa pê mantu vlémê Nê. <sup>29</sup>Só só ien fé uã klôwa di pinhá pê ni kabêsa Dê, pê Axa ni món glêtu Dê, inen da dizé ni wê Dê ka fe pôkô Dê ka fla: Alê di Zudê, stlava!" <sup>30</sup>A buta kupi Pê, toma axa dé kuê ni kabêsa. <sup>31</sup>Ola atava ka fé pôkô Dê, inen txilé mantu vlême, bixê lôpa Dê plopi, bé ku Ê pê sa kluxificadu. <sup>32</sup>Ola inen xê, inen bê uã ome di Sireni samadu Ximon, inen ôbligá klaga klusu. <sup>33</sup>Inen xiga lugê samadu Gólgóta, sa kéndiji, "Luguê di Kavela". <sup>34</sup>Á Dê vinagli zuntadu ku fel, maji óla Ê plové Ê na quia bêbê fá. <sup>35</sup>Ola a klusifikê, inen divii lôpa Dê, lansa sotxi; <sup>36</sup>Tason nai ka vigé. <sup>37</sup>A pê liba kabêsa Dê akusason ku ta sklêvidu; "ISÉ SA JIZU, ALÊ DINÉN ZUDÊ. <sup>38</sup>Dôsu ladlon fô kluxificadu kuÊ, uã ni kuantu glêtu, ôtlô ni kuantu sédu. <sup>39</sup>Inen ku tava ka vala, tava ka fé pôkô Dê ka baná kabêsa. <sup>40</sup>ka flá " Bô ku tava di blagá templu di bila lumé ni tlexi djá, stlava bô mé! Xi Bô sa Mina Dêsu, désê di Klusu." <sup>41</sup>Di modu sé mé sasedotxi mai plixizu tava ka fé pôkô Dê zuntadu ku inen skliba ku ansion, ka flá: <sup>42</sup>"Ê stlava ôtlô, maji Ê na ka pô stlava ubwuê dê fá. Ê sa Alê di Israeli! Dêsê mi klusu miolé me, nom ka kêlê Nê. <sup>43</sup>Ê konfia ni Dêsu, ku Dêsu ka stlavê, xi Ê mêsê bwadu, punda Ê flá: "Un sa Mina Dêsu". <sup>44</sup>Inen ladlónku tava ni klusu tembeté ta ka fla mali Dê. <sup>45</sup>Djina ola sêsta anté óla nona, kulu toma tela. <sup>46</sup>kwaji óla nona ,Jizu klama ku fôsa flá" Eli, Eli, Lama ,Sabactami?" Ka significa Dêsu Mu, Dêsu Mu, punda ka manda Bô zetá Mu? <sup>47</sup>Uã dôsu ngê ku tava mundjadu têndê Ê ka sama, inen fla: Ê ska sama Elia. <sup>48</sup>Ola se mé uã dinen kôlê, pega uã pônja, mónhé di vinagli, pê ni ponta vala Dê pê bêbê. <sup>49</sup>Inen ôtlô flá: "dêsê tâ; pia xi Elias ka bi stlavê." <sup>50</sup>Só só só, Jizu bila klama ku fôsa danda suplitu. <sup>51</sup>Só só só, véu ni Templu vá ládôsu kwantu , di liba antê básu; Téla tlémê lóxa ginga. <sup>52</sup>Yô kôbô bili, klôpô di inen santu, ku tava ka dumini, fô lantadu di kôbô. <sup>53</sup>Inen xê ni kôbô lentla ni posón santu, plasê da yô ngê. <sup>54</sup>Olá senturion ku inen ku tava ka vija Jizu, inen bê téla ku tlémê ku inen kwa sé dá, inen fika ku mendu muntu , inen fl.: Védé mé isé sa Mina Dêsu". <sup>55</sup>Yô mwala ku tava ka nda ku Jizu djina Galiléiaka stlivi Ê tava lôndji ka pia. <sup>56</sup>Ni ômê dinen, Maia Madalena, Maia , men Tiago ku Zózé, ku men dinen mina di Zêbêdeu tava nalá. <sup>57</sup>Óla tagi xiga, uã ome liku di

Alimatéia di nomi Zózé, uku tembeté disipulu di Jizu. <sup>58</sup>Ê bi zuntu di Pilatu piji klôpô di Jizu. Anton Pilatu da ódji di tandê. <sup>59</sup>Zózé toma klôpô, bwuié ku uã panu limpu di linhu. <sup>60</sup>pê ni uã kôbô novu, ku ê ta bili ni loxa. So so so, ê toma uã glandji budu tapa kôbô sé,so so so bé dé. <sup>61</sup>Mia Madalena ku ôtlô Maia tava nalá tasondu zuntu di kôbô. <sup>62</sup>Djá xiguintxi, djá plépalason, inen sasedotxi ku Farizeu maxi plixizu zunta ku Pilatu. <sup>63</sup>Inen flá:Sum nón lembla ku ola nganadó sé tava vivu, Ê fla:" Di tlexi djá Ê ka bá lésusitá" <sup>64</sup>Plutantu da ódji, pa kôbô sa vigiadu antê tlexi djá, pla inen discipulu Dê na bi futa klôpô, fla pôvô: Ê lanta ni ômê motxi,so so so, mintxila sé ka sa maxi pióló dôqué ixi plumê. <sup>65</sup>Pilatu fadinen: Bé ku gwada,gwada kôbô mô nansê mêsê. <sup>66</sup>Inen bé, montta gwada ni kôbô pé méla budu, pa a na bala, zaó désa inen gwada na la.

**28** <sup>12</sup>1 Sabadu vala, plama sdu di plumê dja de semana, Maya Madalena ku ôtlô Maya ba sepuklu. 2 Uwa tlémê di tela glandji ta plasê, punda uwa anzu de Sun désê di osé, bi txila budu tason liba dé. <sup>34</sup>3 Ê tava ka luji mo myamya loupa dê, blanku mo pane. 4 Inen gwada tlémê di mendu pazuma mo motxi. <sup>567</sup>5 Maji anzu ba lêlê inen mwala, fadinen:" Na mendu fa ami sêbê kuma a ska buka Jizu, ku fo klusifikadu. 6 Ê na sa nai fa, ê lesusita mo ê ta fla. Bi pya kamyá Sum tava nê. 7 Be sedu ba fla inen dixipulu Dê: Ê lesusita ni ômê motxi Ê sa wê nansê ka ba Galiléa, a ka bêlê nala! Ami fla" <sup>8910</sup>8 Meda ola inem mwuala desa tumba ku mendu e a di gôstô, kôlê ba fada inem dixipulu. 9 Anton Jizu bi lêlê inen mwala fla: Kuma ê!". Inen mwala ba juntu Dê, da dizê tê ope adoré. 10 Anton Jizu fadinen:" Na mendu fa. Be fada inen manu mu pa inen ba galiléa nala inen ka bê Mu. <sup>111213</sup>11 Ola inen mwala tava ka be, inen gwada ba poson konta inen mese di sasedotxi tudu kwa ku da. 12 Anton inen sasedotxi junta kabesa ku inen ansion di fe uwa planu, a dá inen gwada yô djelu, zao pa inen fla: 13 Fla kuma inen dexipulu di Jizu bi nôtxi futa kôplô ola non tava dumini. <sup>1415</sup>14 Xi nutixa se xiga oliya govenadó, non ka kônvensê, desa nansê livli di plekupason". 15 Anton inen sodê peja djelu fe mo a instlui inen. Soya se wanga ni ômê inen judêu antê dja dózé. <sup>1617</sup>16 Inen onze dixipulu ba Galiléa, ba ôkê ku Jizu masa inen. 17 Ola inen bêlê a dê adorason, maji ôtlô duvida. <sup>1819</sup>18 Jizu pôze inen fla: A da Mu tudu pôdê ni osé ni tela. 19 Anton be fe dixipulu ni tudu nason. Butiza inen ni nomi di Pé, di Mina di Suplitu Santu. <sup>20</sup>20 Xina inen lôklê tudu kwa kum manda nansê. Ami sa ku nansê tudu dja, antê fim di tempu.